



11.10.72

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY

PL
248
R37A8
1899

Rasim, Ahmet
'Asker ogli

3937

18/
80

احمد راسم

Rasim, Ahmet

عسکر اوغلی



'Asker oğlu

اخلاق ملیہ بی مصور حکایہ در

مصور « معلومات » غزنیہ سنہ تفرقہ ایدلدکن صکرہ معارف نظارت
جلیلہ سنک رخصتیلہ طبع اولنشد

قسطنطنیہ

۱۳۱۵



« معلومات » مطبعہ سی — باب عالی جادہ سندہ نومرو ۴۰

PL
248

R37A8

1899



۱

آفاق سیه سیه ده ینه برقاچ سحاب مظلم
طولاشمغه باشلادی. کریده ظهور ایدن اغتشاش
بالا خره خارجده دخی عکس تأثیر حاصل ایدرک
یونانیلرک مداخلات خودسرانه سیله بنیه انتظام
اداره بی محل برچییان شکلنی آلدی .

بوقرچه، زهر آلود ایش. نصایح، حسن تدبیر
کبی معالجه کوکس ویردی . حرکات عسکریه
اماره لری کورولدی . حدود یونانیه ده، جزیره ده

اشقیا چته سی چوغالدی . فقط بونمايشلرك درجه
 جدتي آشكار ایدی . نه چاره ؟ بو قوجه دولت
 بویله پاتیردیله صارصیلیرمی ؟ آنی استرقابات
 دولیه نیجه سنه دنبری صارمش ، فقط متانت
 اساس و صلابت همت کبی ایکی بازوی اقتدارینی
 بوکه مامش اولدیغندن حیل سیاسیه دینلن لعیات
 ومکایداته قالقیشمشلردی . حال بوکه عثمانیلرک بالقان
 شبه جزیره سی اوزرنده کی موقع ونفوذ سیاسینی
 خللدار ایتک آوروپا موازنه سیاسیه سنی دیکشدرمک
 ایله بر اولدینی تسلیم ایدلیدیکی جهتله سیاسيون
 انظار دقتی غلبات ومظفریات اسلاف ایله مشحون
 اولان بوقطعه وقایع دیدیه دیکمش ، بر قهرمان
 متینک باجاقلی آره سنده اوینایان پروردگان مفسده
 باقیوردی .

بردن بره برولوله قوپدی . غربده بر حرکت
 تعرضیه حاصل اولدی .

چییان بیومش ، نشو ونما بولدینی عضوک

اوته‌سنة بروسنه یاییلمش ایدی . یونانیلر تعرضاته
باشلادیلر . هر کسک آغزنده « اعلان حرب »
ترکیبی کزیوردی . عروق عثمانیتده جولان ایدن
خون حمیت بوولوله دهشت آکین اوزرینه غلیانه
کلدی . هر طرفده قیرمزی قیرمزی بایراقلر پیدا
اولدی .

آناطولیده بر حرکت غیر منقطعه وار . بیکلرجه
فدائی سفینه‌لره یینمش ، هنوز بیومکه یوز طوتمش
اولان نونهالان وطن ، سور ربیعیه تصادف ایتمش
کبی کینوب قوشانمش ایدی . هر کون اوچ درت ،
بش اوزن طابور عسکر موسیقه‌لرله تشییع ایدیله‌رک
دشمن آسایش اولان مهاجمات اغیاره بر رسد
آهین اولق اوزره کونده‌ریلیوردی .

اوولوله بتون جهان عثمانیتی طوتدی . بر قلبک
تحمل ایده‌میه‌رک چیقاردیغی ترانه تهلیل ، روابط
معنویه ایله بر برینه اراقه حسیات ایدن کوکالرده
عین اهتزازات حصوله کتیردی . اطفال وطن بیله

بازوی ضعیفنده مقاومت حسی موجود اولدیغنی
فجایع زدکان جزیره یه اعانه ویرمک صورتیه
اثبات ایدرک بابالرینی ، قرداشلرینی شانلی بر مقتله
دعوت ایدن دشمنلری استخفافه باشلادی .

بومنظره حزن انکیز ایدی . فریاد یوق ایدی
هر چهره ده حزن بر تبسم ، هر کوزده خون
آلود بر نظر ، هر دوداقدہ غیظ و کینی کوسـتر
بر بوکوتی ، هر سسـده اینی قلبه چارپان بر ادا ،
هر قلبده بر اتحاد وار ایدی .

بو شهر عظیم ، سکون معتادینی غائب ایتمش ،
بوغازده کوریان آثار شادی سونمش ، کیجه لری
خانه لردن طیشاری یه عکس ایدن شعاعات اسکی
فروتانی آزالتمش ، جامع لرنده سمواته چیقان دعالر
پیدا اولمش ، اولرنده مصاحبات لطیفه یرینه حرب
سوزلری دوران ایتمه کـه باشلامش ، اختیار لر نده مشوقانه ،
سوزلر ، قادیـنلر نده بکا آمیزلر استمدادلر ، کنجـلر نده
صولت دلیرانه اماره لری ، چوجقلر نده تقلید اخوان کی

نمایشار حصوله کله رک نظر دقته بام بشقه بر جمعیت
اولق اوزره کورنمشیدی .

کیجه ، حقیقه بوشهرک دور سسکونیدر .
کوندوزین افلاکی طوتان صدای تهور ، کیجه لین
یواش یواش بیتهرک برمدت صکره ایشیدلنز اولور
ساعت ایکی ، اوچ دم سکوتی اخطار ایدر . فقط بو
کیجه لرده اویومق قابل اولورمی ؟ بوهیئت معظمه
بویله کشمکش خارجی بی نظر لاقیدی ایله کوره جک
درجه ده تجربه دیده ایسه ده اعصاب عمومیه سی
بردن بره کسب انتباه ایتمش اولدیغندن اذهان
وافکاره طاری اولاهیجان آنجق نتیجه ده سکونت -
یاب اوله بیله جکنی اشراب ایدیوردی .

او زمانک کیجه لری صبا حنده بیك وقعه
طوغوریور . صباحلری بیك درلو حوادث کاذبه یه
دم جریان اولیوردی . بعضاً صبا حدن امتداد ایدن
دموع حسرت ، — آقشامک دورّه احزاننده برقاج
شعاع واپسین ایله طبیعتّه کلن انکشاف آره سننده

اوافق بر بلوطدن دو کولن بر قاق طامله کی — کسلیلر .
 بعضاً کیجه لین قوپان آواز مسرت آره سنده
 رعد و برقی آکدیرو بر صدمه ایله کوز یاشلری
 بوشانیردی .

او کیجه ده او یله ایدی . ساعت درده کلیوردی ،
 آی نیم مهتاب دنیله جک درجه ده منکشف .
 هلال ، براز ده طولغون ، هوا آز سرین
 ایدی قره غولی او کندن دون بر سواری
 بر مدت ده اکتدکن صوکره آتندن ایندی .
 جامعک قارشوسنده کی بویاسز خانهک قوسی
 او کنده طور دی . آتک دیز کینی حلقه یه ایلیشدر .
 دکن صوکره آچیلان طرفدن ایچرویه کیردی .

طار ، اوافق ، طو پراق بر حولی ، صاغده
 بر مردیون ، مردیونک آلت باشنده النده غاز
 طوتان برکنج قادین طوریوردی .

بو آدم عسکر ضابطی ، اوزرنده کی قاپوتی
 چیقاردی . قولنده کی صیرمه نشانلردن یوز باشی

اولدینی کوریلوردی . اوزون بویلی . ملیح .
صاریشین بکزی . خفیف مائی کوزلی ، قمرال
بیقی . چهره سی اوتوز اوتوز بش یاشلرنده بولنان
برار ککک کوزلک نامنه حائر اولدینی تناسبه مالک .
ایچرویه کیر کیر مز قارشوسنده بر اندیشه
حیات ایله برک خزان دیده کی تیرمین قادینه
نظر اشتیاق و حرمت ایله باقدی . بوقادین هنوز
یکرمی یاشلرنده کورینور . بیاض چهره سی ، سیاه
قاشلریله کوزلری ، ایری کیرپیکلری ، اوفاق
یوزی ، منتظم ، هنوز آتش کدرله قاورلیان
دوداقلری ، دکر می چککسندن متشکل بر لوحه
قیمتدار حالنده طوریور . باشی ، کور سیاه
صاچلرینک طویلانمسیله بر نوع قبارتی حاصل ایتمش .
غازک شعاعی یوزنده پارلاق ، فقط صارییه میال
سایه سی بررنگ دیگر کتیرمش ابدی .
ضابطک بردن بره یوزینه عطف ایتدیکی نظر
اشتیاقی آکلادی . بر رعشه ایله اولدینی یرده

قیمیدانه رق لامبایی کمال اضطراب ایله مردیونه
براقدی . نه سویلیه جگنی شاشیرمش ، بردهشت
غیر مأموله قارشوسنده بولونیورمش کبی برطورله
دیدي که :

— صحیح می ایمش ؟

کنج عسکر باشنی صالادی . بو حرکته ،
برحرکت عاقلانه دینه من . فرقه حاضر لانا لرده
کوریلن برنوع جنت اوفدائیده ده کورولدی . بوايکی
وجود متناظر یکدیگرینی آکلایه مدی . قادین ،
ایکی النک پارماق لینی بر برینه کچیرمش ، باشنی اکمش ،
حزین حزین طور یور ، دیگر ی اگری قلیجی اوزرینه
طیانمش بر ایله زوجه سنک بازوسندن طوتمش ،
بولوحه غرای عصمتک قلبنه هجوم ایدن یأس
وحرمانی تدقیق ایدیورمش کبی هم کندینی ، هم ده
آنی دیکلیوردی .

بوتماشا برچاریک قدر سوردی . گویا ایکسی ده
برحس ایله متنبه اولمشلر کبی بردن بره باشلرینی
قالدیردیله .

ارکات جیسار تی طوپلامشیدی . قالین سسیله
دیدیی که :

— سن عسکر قیزی دکیمسک ؟ نیه متأسف
اولورسک . اولوم هریرده وار . حربه کیدرلرک
جلاسی اولمش لازم کلمه ایدی شمدیی یه قدر دنیاده
ارککمی قالیردی ؟

فقط اوکنج قادی بن تسلایانه یا باشه جق قدر چوجقمی ؟
آکا از دو اجنک طقوزنجی آینده بولدر ننگیت افتراق
کوسترن ظالعنک اورادده برقور شون ایله کنه دیسنی
هجران ابدیی یه آتمیه جنی نه معلوم ؟

اوت . آلك دوشوندیکی باشقه شی ایدی .
او، بونص جلیل وطن پروری بی باباسندن ایشیده
ایشیده بیومش، فقط هنوز مشیمه نشین تمو
اولان محصول محبتی ایلك دفعه اولمق اوزره دهن
تکلمنی آچدیغی زمان باباسنک شهادتی ایشیدیرسه
او غنجه هرت ابتدائیه سنی غائب ایدرک
صولمازی ؟

قلبك حزن معنویسنه دلیل اوله جق بر
صورتده کوزلرنده بر اثر تأسف کوروندی .
بردن بزه قوجه سنك بوینه آتیله رق :

— ساده سن قاله ایدك اولمازمی ایدی ؟
دییه رك کریه بدبختانه سنه یول ویردی . اومتین
عسکری ده آغلالتدی .

بودر آغوش بتون حیاتك لذت و مرارتی
بر آره یه جمع ایتدیکنی احساس ایدن بر ترکیب حسی
ایدی . عسکرده قاریسی ده یکدیگرینك وجودینه
تحمیل ایدن بار حیات فروزی اونوتمیه جقلر بنه
قناعت حاصل ایتدیلر . حس ، بوراده ناطقه
خدمتنی کوریور ، ایکس سنك ده مشام تحسرنی
طولدیران بوی معنوی آنلره حیاتده لذتن زیاده
بر تلخیء دائمی موجود اولدیغنی آ کلادیوردی .

قادین یواش یواش چکیلدی . مهتر ، بوغوق
صداسیله دیدی که ؛

— نه وقت ؟

— یارین !

— یارینمی ! نه قدر چابوق !

ضابط باشنی صاللا دی . دیدی که :

— حق بر ساعته قدر قشله ده بولنه جغم .

قادین بر طور تسلیمیت کوستردی . اونظره
متصل زوجنك نظری ایله تقابل ایتمهک آیشمش
کبی کوزلربنه منعطف اوله رق برشی تحری ایتمک،
برشی سویله مک ایسته یور ایش کبی طور یوردی .
بر آراق مردیونك باشندن بر قادین دها کوروندی .
بو قادین اختیار، ملحم اولدیغندن مردیونلردن
زور ایله اینیوردی . یوزی بوروشوق، کوزلرینك
کناری قیورینتیلر ایچنده، قالین قاشلری بیاضلانمش،
اوزون قیللری اوکه طوغری اکیله رک باشنه کیدیکی
فس اوزرینه صاردیغی یمیلر آره سندن خنالی
صاچلری دوکولمش دنیه جک درجه ده فیلامش،
کردنی ات پارچه لری علاوه ایدلمش کبی قاتمر قاتمر
صارقیندیلر ایچنده قالمش ایدی .

اوج درت آياق ايندکدن صکره برالنی کوزلری
اوزرینه ضیایه سپر اوله جق صورتده طوته رق
تیترهک برسس ایله دیدی که :

— نه وار قیزم ؟

کنج قادین دوندی . کوزلرینی پرده دار ایدن
سرشک افتراق سسندهده باشقه بر ادای حنین
ویرمش اولدیغندن حسلی حسلی بر طرز تکلم ایله
دیدي که :

— بک کیدیور .

اختیار عجله عجله صورتدی :

— نره یه ؟

قیز، طور مظلومانه سنی ترک ایدمه یه رک ،
ایچنی چکه رک دیدی که :

— محاربه یه !

اختیار طوردی . ایلک صدمه اضطرابه
اوغرایانلرده کوریلن بر تنفس، بی چاره سال دیده نک
کوکسنی خیر یالادی . ایکی ایله مر دیونک پارمقلغنه

طوتونه رق او طور دی. آراتق برشی ایشیتیموردی.
میرلداق نوغندن اوله رق :

— بن بیلوردم. بکاسویله دیلر... رؤیاسی ده
کوردم ایدی .

دیئوردی . ضابط یواش یواش ایاریلیدی.
مردبوندن یوکسله رک آناسنک الی او پدی .
اطوار مردانه ایله قارشوسنده طوره رق او قامت
ومهابتیه ایکی ضعیف قاب آره سنده برقلعه آهنینی
آکدیرر صورتده دیکیلدی . قالین صداسیله
باشلایه رق :

— آننه جکم ! سن ده آغلایه جق اولورسه ک
صکره کلینک هیچ صوصماز . بن نه یه عسکر
اولدم ؟ دولتمک بوکونلری ایچون دگلی ؟ بن حربه
کیدییورسه مینه سنزک ایچون کیدیورم . وظیفه
هرشیدن بیوک دگلی ؟

اختیار خنچقیرمقسزین آغلا یوردی . مرور
سنین ایله بی فر قالمش اولان کوزلرینی اوغانک

متین چهره سینه دیکمیش ، حسرت و اشتیاق ایله
مشحون اولان انضاریله غریب غریب باقیوردی .
ضابط یینه سوزنده دوام ایدرک :

— سو یلدکریخی اونوتدکمی ؟ یانام مکتبه
یازدیرکن نه سویله مش ؟ مکتبک مدیرینه آلاک
پاشاهه برکوله دهاکتیردم دیومشمی ایدی ؟
دایم حربه کیدرکن سن آغلادکمی ایدی ؟

اختیار بتون بتون مراقلا ندی . بوکور خاله
اشپین رحمت اولان او قوجه عثمانلینک محاربهیه
کیدرکن اوه کلدیکنی . وداع ایدرکن کندینسک
آغلادیغنی کورنجه :

— بویله کونلر سوینج کونیدر . آغلامق
دشمنلر مزه یاقیشور :

دییه رک تکدیر ایله اودن چیقوب کیتدیکنی .
قارشوسنده طوران یاورونک ده بویله برشیر زاد
اولدیغنی بردرر خاطرندن کچیردی . فقط نه
اولورسه اولسون او زوج ، بوثره فؤاد دکلکی ؟

طبیعت سوداده ایکی حس امتزاج ایتدیره مامشدر .
 حب اولاد، دماغك اك محرم، اك لطیف حسیاتی
 تشکیل ایدیور . آنك کوزلری اختیاری تماشا
 ایتدجه کندی کندینی کوردیکنه ، اللریله بورو -
 شوق اللرینی صیقدجه روحك بر آن ایچون
 یاننده بولنه رق انتزاعه حاضر لاندیغنه ، سوزلرینی
 ایشیتدجه ناطقه سنك تجسم ایدهرك پیشکاهنده
 وجدانی سؤالرله آنی یوردیغنه ، ایکی وجود
 آره سنده موجود اولان انجذابك مسافه آرتدجه
 بتون بتون قوتنی آرتدیره جغنه اینانه رق کوزلرندن
 یاش بوشانیور ، قطرات سرشکی تیریل تیریل
 تیرمین دوداقلرندن آچیق اولان آتشین سینه سی
 اوزرینه برر برر دوشهرك برزمان اولادی ایچون
 نشیمن آرام اولان اوتن محبی یاقیوردی .

فقط او حس افتخار نه ایدی ؟ قوجه
 اختیار او ثمره حیاتك اقبال مردانه سنی بشقه
 برحس ، بشقه برسوینج ایچنده اولدینی حالد

دیکلیوردی . او سوزلر ، آکا ماضیده کی غلیان
امتی اخطار ایدیورمش کی توپلرینی اورپرتدی .

تمام قرق بش سنه برعسکرک ، همده وطن
فدائیزی برعسکرک تحت نکاحنده بیویه بیویه
عروق و اعصابی خون متانت و صلابت ایله پرورده
اولدیغندن اوغلنک سویلیدیکی سوزلر آنی قهر .
لاندره جغنه بالعکس متسلی ایتدی . حتی کنج
ضابطی ضعیف قوللریله کندینه طوغری چکدرک
آلنی ، یوزینی اوپدی . برآه تحسر ایله :

— باباک صاغ اولوبده سنی کورمه لی ایدی !
روحی شاد اولسون . کیم بیلیر نه قدر سوینیردی !
دیدی .

آه ! زواللی قیز ! قاین آناسندن تسلیت
بخش خاطر اوله جق بر سوز آرارکن اوده محو
اولدی . آنا ، اوغل برلشدی . ایکسی ده برحسده .
آنک الم فراقنی کیم دیکلیور ؟ آنک بکای هجراتنی
کیم ایشیدیور ؟ بویننی بوکمش ، دیواره طیانش طورییور .

عسکرده یوموشامش ایدی . فرقت عائله
 حسرت وطن قدر سوزشلی دگیدر ؟ او ایلاک
 محبتنی آشیان مادرده براقیور ، آتشار ایچنه
 آتیلمیورمی ؟ اک زیاده محتاج تسلیت اولان کند .
 یسی دگی ؟ آنلر کندینی نه قدر سویورسه اوده
 کندیلرینی او قدر سویور . آنلرک تقسیم ایتدیکی
 محبت کندی قلبنده متحد ، مجتمع طورییور .
 برچاریک قدر او حال اوزره طورددقن
 صکره دیدی که :

— صبرییه سکا : ایکیکزی ده اللهه امانت
 ایدیورم . بکا اغلامقدن زیاده دعاگز مقبولدر .
 دوات ییه جککیزی کونده ریر ه آننه ! حقکی
 حلال ایله .

بر بکای متحدانه او آشیان وضعی ایکلندی .
 اوچ دهن مجدن چیقان صدای تلهف کویا برر
 برر جمله سنک قلبندن کچهوک برناله حسرت حالنده
 چینلادی . اختیار ، اوغلنک سر بزمین خاک

اولدیغنی کوررجه سنه خیالات مزعجه یه اوغرا دی .
 کنج قیز، اووجودک قانلر ایچنده غلطان اولدیغنه
 احتمال ویردی . عسکر برکون اولوبده عودت ایتدیکی
 زمان ایکسنی ده بوله میه جغنی ظن ایدر کی اولدی .
 اوچی ده عین حسده ، عین اضطرابده ایدی .

آغلامق حقیقه بو حیات فانیک سرمایه
 فرحیدر . هر قطره ، بر پارچه ژنک الم قوپارم رق
 آجی آجی کوزدن چیقار . بر باران سرشک مجاری
 قلبک هر طرفنی تمیزلر . تزکیه الله ، روح و وجدانه
 کوز یا شلرینی واسطه قیلمشدر . آغلایان کوزلر
 قدر اضطرابات روحیه یی آکلاده جق برشی
 وارمیدر ؟ هر نظر او آب صاف ایچنده برکرم
 ییقاندقدن صکرم صفوت قلبدن نشان ویرم جک
 درجه ده برانجلا کوستیرر . کوز، آینه روح ایمش .
 بوفنا زار قدیمک کردبادلری آنی پرغبار ایتزمی ؟
 اغبرار نه در ؟ او مرآت حقیقی تمیزلنمه لی . روح دائماً
 برمزکی فطری یه محتاجدر .

بو بکاده بیتدی. هیچ برنده طاقت قالمامشیدی
 اختیار یواش یواش قالدی. ایله اوغلنه طور !
 اشارتی ویرهرك یوقاریه چیقدی. اوزمان زوج
 قاریسنه دونهرك :

— سن متأسف اولمه. انشاء غالباً کلیر، سنی
 ینه کوریرم. عسکر قوجه سی اولانلر دائماً بویله
 سفرلری کورورلر. بابام بونجه محاربه ده بولنش،
 ینه سالمأ گلش. بن ده اوبابانك اوغلیم. سنك تأترك
 بنی اولدیرر. دشمنك قورشونی اوقدر تأثیر ایتمز.
 هایدی سن ده یوقاریه چیق. آننمه برقاج سوز
 سویلیه جکم دیدی. صبرییه برک ره دهها آغوش
 وفاسنده صیقدقین صکره اوپدی. کنج قادین ده
 آنك کوزلرندن اوپهرك برپای متزلزل ایله مردیو -
 نلردن چیقمنه باشلادی.



اختیار برشیلر کتیریوردی. تا حولییه قدر
 ایندی. بی چاره صبرییه مردیونك باشنده طورمش،

بر آن اچون ایلرله مک احتمالی اولمادیغنی حس ایتد-
 یکندن اورادم بولنان اسکمله یه او طور مش ایدی.
 والده النده کی قیرمزی، کهنه اوزون طور به بی
 آچدی. ایپلری قالین بر یکی چری پالاسی چیقاردی
 پالا، اوزری کوموش ایشلمه لی بر قین ایچنده
 محفوظه قایشلری قیرمزی چوقه اوزرینه ایشلنمش
 بیاض صیرمه ایله مزین ایدی *

مسلمه، تیرک الیه اوغلنک قلیجنی چیقاردی.
 المهدن استمداد ایدنلرده کوریان بر طور خضوع
 ایله بسمله چکک رک پالایی بلنه صاردی. او حالنده :
 — او غلم ! بو باباکک پالاسیدر. وصیتی بویله
 ایدی. بو قیرلدقن صکره اولسون دیدی *

کنج عسکر بو خزینه بی کورمه مشیدی.
 روح پاک پدر امدادینه یتشمش کی توپلری اورپردی.
 کوزلری یاشاردی. بابادن اوغله انتقال ایدن بوسلاح
 آلت مدافعه دکل قلبه جسارت ویرن بر نسخه قاطعه
 ایدی. بونشان ظفر آکا یک زیاده یاقیشدی *


والده هنوز وظیفه سنی اکمال ایتمه مشیدی .
 ینه او طور به دن چیقاردینی میشین قاپلی بر بازوبندی
 اوغلنك قولنه طاقدی . ینه اولکی طور یله :
 — بونده ده فتح آیتلری یازیلیدر . بوسنده
 اولدجه کیمسه قولکی بوکه مز .

دیدي . ضابط روح پدره منضم اولان امداد
 ویاوری حق قلباً بردها تصدیق ایدرك اوپدی .
 اختیار کوزنده کی یاشلری سیله رك النده کی اوافق
 حقیق سنی تسلیم ایتدی . دیدی که :

— بوده بابا کدن قالدی . یاره لیرسه ك صاره جق
 تفتیک ، بز بونك ایچنده در . بونلرده آنا یادکاری !
 عسکر فوق الحد متأثر اولمشیدی . آناسنی
 اوپدی . خفیف برصدا ایله :

— آننه جکم ! صبرییه اوزمه ، او بنی سور ،
 اکر طوغه جق چوجغم ارکك اولورسه اسمنی محمد
 غالب ، قیز اوله جق اولورسه امینه فردوس طاقك ،
 آرتق اللهه اصمار لادق .

دیدى . چکيلمك اوزره ايکن صبريه پالدير
 کولدور اينه رک بر کره دها صارلدى . ضابط
 هر ايكسنى ده کوکسنده صيقدقدن صکره او ايکی
 نالنده متجسرى براقدى . آتنک آياق پاتيرديسى
 اودن چيقان فريادى ایشیتدیر یوردی .



تعب ايله اضطراب، آورلندهكى فرق اساسى ي
 مسلمه ايله صبريه اوزرلنده احساس ايتدى .
 يورغوناق وجودى ميل رخاوت كې بر آرزو ايله
 بى تاب براقهرق اويوتدينى حالده اضطراب
 دوشونمك، اندیشه لرله اوزوله رك اويوماق صورتيله
 آزرده ايدر . آنلرده اضطرابك بو اوزونتيى
 اچنده قالدیلر .

اختيار كندينك مغلوبى اولدينى محبتى،
 قوجه سینه قارشى حس ايتدىكى شفقت و تأثرى
 مقایسه ايتدكه صبريه نك قلمندهكى اشتياق و تحسرك
 درجه سنى تقدير ايديووردى . ساعتارجه قارشى
 قارشى يه اوطوردقلى حالده برشى قونوشما مشلردى
 كنچ قادين برشیلر دوشونيور ، تربیه بیتیه ده
 اكتساب ايتدىكى رسوخ اديبانه حسیله دوشو-
 ندكلىنى سويلیه میوردی . فقط صفه ده كى ساعت

صباحك تقريبی آكلاتدجه صبر و طاقی منسلب
اولدیغندن برارالق :

— کاشکی اذمیدده اوله ایدک . دیوردی .
اختیار بوتمینک ناطق اولدیغی جهتی بردن بره
آکلایه مدیغندن :
— اذمیدده نه وار ؟

دیه صوردی . صبریہ ، بوسؤالی فکر واملنه
توجیه ایله اختیاری ده کندینی تعقیبه مجبور ایتک
ممکن اولدیغی فهم ایدرک :
— بردها کوریر ایدک . دیدی .

مسلمه یکیدن آغلامغه باشلادی . بردها کورمک ،
اوتوز اوتوز بش سنه لک بر پروده ناموس و شفقتی بر
دها اوپمک بوکی قبلرک طیانه میه جفی بر آرزودر .
کنج قادین کوز یاشلریله اشای خارجییه یی منکسر ،
قارمه قاریشق کوردیکی حالدہ قاین آناسنک کوز .
لرندن چیقان انظار مشتاقانه یی تماماً کوریوردی .
اختیار « بردها کوریر ایدک » جمله تحمل سوزینی
ایکی اوچ دفعه تکرار ایتدکدن صکره :

— کیده لم قیزم . خاله مک قیزی اوراده در .
 کچن سنه کیتدک ایدی . ینه کیده لم دییه آياغه قالقدی .
 ایکیسنک ده سرشک اضطرابی دیندی .
 ایجاب ایدن تدارکات سفریه یی کوردیلر .
 سحرله برابر سوقاغه فیrlایه رق ایلمک واپورله
 حیدر پاشایه ، اورادن ده ترنه ینهرک اذمیده
 یوللاندىلر .

بوسیاخت ، نهایتی برکیجه اولکی اضطرابی
 اونوتدیران برکیجه صکره نکس ایتدیکنی مهاجمات
 فرقت آوریله اخطار ایدم جک اولان بر تشبث
 مجنوناه ایدی . ترنده ایکسی ده سونیور ، کولیور ،
 چابوق محو و زائل اوله جق بر امید ایله اویا -
 لانیورلردی .

نظردقت بوسوینچی ، ناقل اولدینی کدری ،
 اضطرابی بللی اتمه ین او خنده لری ، اویالانچی
 مسعودیتی ، اوچیچی حضور و آرامشی کوردجه
 بشرک معصومیت دیدیکی حال ابتدائی سکونک
 بر دور خیال اولدیغنی فرق وتمیز ایدر .

اوكونك آقشامی تقرب ایتك اوزره ایکن
 مسلمه ، صبریّه ، مسافر اولدقلری اولك قادینلری
 بتون اذمید خلقی ، اهالیسی ، مأمورینی دیزی
 دیزی کلن فدا کاران وطنك رهگذارند
 طورییورلردی .

صبریّه نك قوجه سنك منسوب اولدینی طابورده
 کلدی . اونده صوك درجه دهه | حلیم اولان
 اونوردیده ، معاملات مشفقانه سیله قاریسینی مجلوب
 ومفتون ایدن اوزوج بشقه بروضع آلمش ، بشقه
 بر قیافته کیرمش ایدی . کویا میدان محاربه نك
 سیسلری ، ایسلری یوزینی قارارتمش ، چهره سنی
 دکیشدیرمش کبی طورییورلردی .

بوایکی معقب پرستاری کورنجه بتون بتون صاراردی .
 بلوکنك یانندن آیریلهرق آنلرله بولوشدی . بردها
 آناسنك الندن اوپهرك خیردعاسنی آلدی . برکردها
 صبریّه به نظر اشتیاق ایله باقه رق عائله محبتنك نه قدر
 کریم ، نه درجه عمیق حسیات و آماله پناه منفرد

اولدیغنی آکلاتمق ایستدی . یواش یواش یانلرندن
 آریله رق آغلاماق کبی دم هجرانک اک بحرانی ،
 اک سوزشلی تأثراتی آلتده قالان مسلمه ایله زوجه -
 سنک کوزلرندن نهان اولدی .



کونش کورفزک شمال غریبسی جهته طوغری
 اینیوردی . غروب ، هنوز باشلامش ، قارشى ساحل
 ایله سطح دریاه عکس ایدن شعاعات حزین بر
 امتزاج لمعات حصوله کتیره رک واپورک کوپشته سنه
 طولان افرادک دوکمه لری ، سلاحلری ، اوزرنده
 پارلتیلر ، اوفاق اوفاق عکسلر پیدا ایدیوردی .
 ایکسی ده انظار مایوسانه سنی حموله سی فدا
 کله سنک ناطق اولدیغنی معانی مبارکه یی تجسم ایتدیرن
 واپوره دیکمش ، عادتاً طوکه قالمشردی .
 بیلیم نه اولدی ؟ واپورک تحریک چرح ایتسی
 اوزرینه آغلايه آغلايه دوندیلر .
 ضابط واپورده کیده جکی یری دوشونمور ،

اوعائله حسرت قرینک تأثراتی کندی غم افتراقه
 نسبتله محاکمه ایدیور، آکا بو حال، راحت آشیاندن
 قاچهرق اولومه کوکس کرمک قیلندن کلیوردی.
 فقط بشقه درلو بر تفکر ذاهب اولدینی نقطه یی
 آکا آکلادی. او ایکی چشم کریان کافه محاکماتی
 دکیشدیریور، قلبنده حسرت دنیلن بی آرامی
 املی تازهلوردی.

نریه کیدیور؟ حربه دگلی؟ صبریهنک حین
 وداعده قلباً حس ایتدیکی اثر بدبختی بی اوده حس
 ایدیوردی. اوت، ازدواجنک طقوزنجی آینه
 اکا بیوک برناله فرقت ویرن بخت، حربده بر
 قورشون ایله بتون بتون ناکام ایلیه مزمی؟ اکر
 ممانده کورمک اولایدی هرکس بو حاله قناعت
 ایدردی. کندسی عسکر اولدینی حالده بیله حرب
 وجدالک باعث اولدینی المری، کدرلری، ایتدینی
 کوز یاشلرینی، اولدیردیکی وجودلری محق
 کورهمیوردی. لکن نه چاره؟ مخاصمات بشریه

مدنیت ایله آزالیمور . بالعکس زیاده لشیور . ذهنلر
 ترقی ایتدیکجه وسائط اتلافیه اینجه لشیور ، بر درجه یه
 کلیور که انسان انسانی کوره میه جک مسافه دن
 آتیلان بر مر می نشانکاهی بولیور . بر کولله
 یوزلرجه کشی بی سربخاک هلاک ایلیه رک وظیفه
 تخریبیه سنی ایفا ایلیور . زور بازویه نه حاجت ؟ او
 سلاح ، شمدیلر اونودلمش ، یرینه بر ضربه سنده ،
 دم اصابنده قوجه بر وجودی بی روح یره سره جک
 اوافق بر قورشونه تبدل ایتمش دکلئ ؟ ال اله کلمک
 بر درجه یه قدر کوزه آلتیر . فقط ایکی دشمن
 آره سنده کی مسافه آرتدقجه اثر مرحت ده او قدر
 آزالیمور . یونسبت مسافیه تابع قالیمور .

آه ! اونظر نه قدر حزین ایدی ؟ صبرییه صوک
 دفعه اولمق اوزره زوجنک یوزینه باقدینی زمان
 او چشم خون آلوددن بر شدت خارق العاده ایله
 فیرلایان نگاه تحسر درین برهوس کامرانینک تمامی
 زوالنی کوسترر صورتده انکساره اوغرا دی .

کویا، او وجود رنجیده نك كافه آمالی قوه عن القلب
 دنیلان وانسانك مغنویتنی اثبات ایدن بر محرک
 شدید ایله کوزلرندن فیر لامش، بر پناه قرار
 بوله میهرق بر برندن متفرق اوله رق هوایه صعود
 ایدن اشیانك حین سقوطنده کوریان غیر منتظم
 بر حرکت تبغیته یره دوشمش ایدی. آکلاشلماز
 تعریف ایدلز بر سوزشله منبع تأثرندن قاینایوب
 دوکولان قطرات سرشکی مردمکری اوزرنده بر
 غلیان تام ایله طوپلان دینی زمان، قوجه سنك خیال
 محزونی در حال چشم وجدانی اوکنه کش، آکا:
 بن سنك کوزیکك اوکندن اوزاقلاشیور ایسه مده
 حسیاتكك آره سنده کیزلی یم. سوزنی آکلاته جق
 بر تجلیده بولنمش ایدی. لکن نه یه یارار؟ حیات حس
 ایله مشترک دگی؟ خیال ینه خیال دگی؟ ایکی
 ذی روح آره سنده کی انجذاب ساده جاذبه قانونه
 تابع دکلدر. آنده برده قانون ارتباط حکم ایدر.
 امل، کورمکه یتمز. هم معنا، هم ماده تماس
 واحساس لازمدر.

صبریه، اوده کی پنجره نك او كندن كهی بی تعقیب
ایدیوردی . ایجه اوزاقلاشمش ، عادتاً مرمره
حوضه سنه کیرمش کی کورینیوردی . بر آزیانه
یاصلانمش، کویا اوزرنده بولنان بسالت نهادان، پای
تخت شهیره دونمش، قوماندان اعظمه توجه ایدرك
آواز استحسان ایله شهرى سالاملامقده بولنش
ایدی . موزیقه حالاعکس انداز اولیور، اوزاقده
برولوله عظماء . { پادشاهم چوقیشا } دعالریله
بوقوجه کورفرك ایکی ساحلی طینلر، فریادلر، ایچنده
قالیوردی .

انسان قیام محشره نمونه آراسه بویله کونلرده
بولور . خلق، صندالارله دكرك اوقسم صغیرینه
تجمع ایتمش، فداکاران وطنی تشییع ایدیوردی .
ملتك ماصدق حس و جلادتى اولان شرقی بردن
بره آغیزلره دوشندی :

ای غازیلر یول کورندی ینه غریب سرمه
مصراعی بردهن هیتدن فیزلار فیلاماز میدانلر ،

قهوه خانه لر، اولر، معبدلر، کوکلر بونغمه دلسوز
 وطن ایله طولهرق، عروق حمیت اسکی حدتی
 آلهرق ایشیدنلرده برتهیج مدید حاصل اولدی .
 اوت، صبریئه نك قوجه سی ده زیاده غریبسه -
 مشیدی . واپورینك کویشته سنه طیانش ، متصل
 اوفرقت زده بی کوردیکی یره باقیور . اوجم غفیر
 آره سندن آنی کورمك، آنی صوك دفعه اولوق
 اوزره نظریله سلاملامق، آکا قارشى نه درجه ده
 متین اولدیغنی اثبات ایله مك ایستیوردی . بوده بر
 نوع مجادلهء حسیات ایدی . فقط بوغوغای محبتده
 مسافه اوزادجقه اثرشفقت زیاده لشیر . بومدنیت
 قلبیه یه مخصوص آثار ترقیدندر .

کنج قیز، دومانى نظرلری قارارتان، کوپوکلری
 نظر اشتیاقده بر رهگذر دلداردن نشان ویرن
 واپوره مد انظار ایده ایدم یورولدی . کوزلرینی
 قبادی . کونش کملیک کورفزینك صاغ طرفندن
 بشقه لرینی تنویر ایتك ، بشقه مضطربله صفای

صباحی کوسترمک ، بشقه فرقت زده لره تعقیب
 ایچون زمان ویرمک اوزره وراى آفاقه چکیلدی .
 او آقشام حقیقه برشام غریبانه ایدی .
 ضابط واپورده ، کندینی هرثانیه خریم جاسندن
 اوزاقلره کوتورن اوسفینه ده تکفور طاغی صیرتلی
 اوزرندن یواش یواش اینن کونشی کوردی .
 اوزمان نظرنده بر طالعینلق پیندا اوله رق اواختر
 سناوینک دامن نورانیسنده کی علائم متبدله یه
 باقه ماز اولدی . دکر سکون ایچنده . ساحل مدید
 بر سیس آلتنده . یالکز واپورک منتظم ولوله سی
 موجود .

اذمید غائب اولمش ، اونواحی دلنشین قویو
 قارارتیلرله بلیرسز برحاله کلش ایدی .
 ارجاع خیال آنی بتون بتون متأثر ایدیور
 ایکن تا دیرکک تپه سندن سمواته طوغری یوکسه لن
 آواز تکیر قلبنده برهیجان آنی حصوله کتیردی .
 لفظه اه آنده بشقه بر هوس تکریم اوایندیردی .

بو برسیاحت، خیر خیر، هرثانیه سی افکار علویه به
 مصدر اولان برتنزه ایدی. او دریای بهشتی، ریاض
 قدسی کی آچیق، صاف، اوسواحل وطن تجلیات
 دیدار کی مهیج، هم سفر اولان اخوان مجمع
 سعادت کی قناعت شهادتله متهیج. قلبك بر رابطه ازلیه
 ایله باغلاندیغی شیرازه نام کبریا اومسکن اتحادده
 عکس انداز اطراف اولدیغندن کنج برمدت ایچون
 خانه سنی اونوتدی. کنارده طورمش، تویلری
 اورپر مش، وجودی داء الجموده اوغرایانلرده کورولن
 انعدام حس کی بر قاتیلق ایچنده قالمش کوزلری حد
 طبعیسنندن زیاده آچیلهرق یاشله پرده دار اولدیغی
 حالده بیکلرجه قلبك چیقاردیغی ترانه تهلیلی
 دیکلیور، اوزمان صاغ النی بوکش، دشمن خیالی به
 قارشی وضع تهدید کوستریوردی. اوندا مبشر
 ظفر ایدی.

یواش یواش یرندن قالقدی. کوکرته اوزرنده
 صف صف حضور حقدده ال باغلایان آرقداش لریله

نمازه طور دی. وجد واستغراق ایچنده ایدی. سفینه متصل کیدیور. امام، سورة فتحي اوقور اوقوماز بی تاب بر صورتده سجدهده قالدی. او آنده بازوسنی تضییق ایدن بند، آکا آناسنی، خانه سنی اخطار ایتدی.


صبریه او طه سنه چکیلمش متصل دوشونیوردی. آقشامك ظلام مترقیسی پنجره لردن کیریور، صفه نك بر طرفنی قارا کلق سایه لرایچنده براقیوردی. کونش صوك شعاعات زرینی ایله منظرنده بولنان معبدك اوزرنده سیمین انعکاسلر حاصل ایتدی. جوارك کورلیتسی همان بردن بره دنیله جك صورتده آزالدی. برصدای تکیر آنی ده سجوده دعوت ایلدی.

ایکی ناصیه صاف بر آنده، پیشگاه ذوالجلالده سجده بر تعظیم اولمش ایدی.

اوکیجه، بتون لیالی محنته مبدأ اولان اوکیجه ایکی قلبك تناظر حسیاتنه شاهد اولان اولیله

افتراق ، بر درلو نور سحرینی کوستره مدی . بری
 دریانورد هجران اولدیغنی دوشونه رک کوزینی قیر پمادی .
 دیگر ی تنهانشین الم اولدیغنی بیله بیله او یویه ماز
 اولدی .

اضطراب نکس ایتمشیدی .



زمان طبیعتده موجود اولان قوه تألیفیه ایله
 آنلر اوزرنده دخی اجرای تأثیر ایتمکه باشلادی.
 او شام غریبانه یی بر شام حسرت دها تعقیب ایتدی.
 بشر، محاله تقرب ایتدکجه اعاده جسارت ایدر.
 صبریّه ده بهوده تأسفله وقت کچیرمه دن
 ایسه قوجه سنه دعا ایتمک دها خیرلی اولدیغنی
 آکلادی. حتی برحس دیندارانه ایله اللرینی آچار،
 او وجودک هر درلو کدردن مصونیتی حقنده
 ساعتلرجه نیاز ایدرک آرده صروده خروشه
 استعداد کوسترن کوز یا شلرینی کویا منبعنه ارجاع
 ایدر جک ایش کبی حبس ایتمک ایچون یالکز
 خنچقیردی .

زواللی قیز! هنوز حیاتدن کام آلوب سرپله جکی
 زمانده قورومغه یوز طوتمش نهالان باغ کبی برایکی
 کون ایچنده آثار اصفرار کوستردی . بوخزان

ناکھظور، اندیشه دنیان برطفیلی قلبک تأثیرندن
 نشأت ایدیوردی. کولمک، اوچهرده ربیعی
 برانکشاف عرض ایتسه بیلہ یاغفور اثناسنده آچیلان
 کونش کبی درحال محو اولور، مغموم، کدرناک،
 پریشان خاطر برحالدہ آشانی یوقاری کزینیوردی.
 مسلمہ، بوچوجغک هر حالنه دقت ایدہ رک
 آکاتسلت ویررکن کوزندہ کی یاشلریلہ مدعاسنی
 تکذیب ایدیور، آنی ده برابر آغلایوردی.

گاه کیجه لری ایکسی ده برابر اویانه رق برمدت
 بربرلرینه باقه قالرلر، کوردکلری رؤیای مدهشی
 یکدیگرینه آکلاتمغه جسارت ایدہ مزلر. گاه
 کوندوزلری آری آری اوطه یه چکیلہ رک کدرک
 متحمل اولہ بیلدیکی درجه ده آغلایوب کوز
 یاشلرینی بربرلرینه کوسترمزلردی.

حرب! اوت. او آتش خانمانسوز حقیقه
 باشلامشیدی. برکون برولوله، بر آواز بتون
 محله یی دیم دیک قالدیوردی. علاوه! علاوه!

دیه قوشان موزعلر مشغول الم اولانلرک یورکنی
حوپلاتدی .

مسلمه، برکون کلینی آلهرق مقابر اولیاءاللهی
زیارت ایتدیردی . ایوبده دعالر ایدهرک هنوز
تازه حیات بولمغه یوز طوتان یاورو اچون نسخه
آدیله . دونوشده زندان قپوسنه اوغرایهرق
تسبیحدن کچدیله . بومداوات معنویه ایکسینی ده
بر آزمتسلی ایتدی . کوردکلری رؤیایی کیزلی
کیزلی . . . تربهدارینه تعبیر ایتدیردیله .
سلامت سوزینی آلهرق دوندیله . آداق آدادیله .
نه فائده، ینه اوبلای افتراق باقی دکلیم؟

آنلری اک زیاده مستریح ایدن بر جهتده
قومشولری ایدی . آنلرک ده قوجهلری حربه
کیتمش ، کیمنک اوغلی کوکللی یازلمش ، کیمنک
دامادی کیتمه حاضر لاش ایدی . آنلرده آغلا-
یورلردی . بواشترک برنوع تقسیم محن ایدی .
برکون اوکله طعامنه اوطورمشلردی . انسان

نیه آلیشماز؟ آنلرده بودرده آلیشمشلردی .
 اومدید آهله ، اوجانخراش خنجقریقار کیلمش ،
 یالکز برتلف قالمشیدی . کوز یاشلری یواش
 یواش دیمش یالکز قیزارتیلر ، اویقوسزلقدن
 متولد نمخورلقلر ، شیشکینلکلر ، یوزلرنده صاریلقلر
 کوریلوردی . وجود متاعب مغویهدن قورتلدقچه
 اولکی درجه فعالیتنی اکتسابه باشلايه جغندن
 اشتها لری عودت ایتشدی .

قپو بردن بره اورلدی . ایکسی ده آياغه قالدی
 مسلمه ایلرولدی . قپوی آچدی . بر پوسته جی !
 مژده ! اوت . اوت . او آرام جانندن بر خبرکیش .
 در حال ظرفی ییرتدیلر . صبرییه اوقومغه باشلادی .
 اونه سوينج ! اونه سرور ! ایکسنکده کوزلریینه
 یاشلانندی . ایکسی ده ینه آغلا یور ، ایکسی ده
 تیتریور . بوارتباط حسی ایکسنی ده آیری آیری
 دوشوندیریوردی .

حولییه اوطوردیلر . صبرییه اوقویوردی .
 نم جانمندن عزیز والده جکم !

هر کس او یقوده . یالکز بن او یومیورم . بنم
 کبی عائله سنه دوشکون اولانلر او یومازلر . محبت،
 حیاتک اک زیاده محتاج اولدیغی غذا دکی ؟ بنجه
 عائله می سومک قدر لذیذ برشی اولور می ؟ دنیاده
 کیمم وار ؟ برسن برده او . بویاشه کلنجه یه قدر کور-
 دیکم آتار شفقت سنک بشقه بروجود، بشقه برحامی
 اولدیغنی بکا آکلاتدی . طوغدم . اک اوفاق بر
 روزکار بنی هلاک ایده جک قوته مالک ایکن سن
 قوجاغکده، بتون انسانلرک ایملک اوکجه صیغندیغی
 کوکسکده بنی صاقلادک . امدیکم سود دکل ایدی .
 او آب صاف، رحم و شفقتک اک فیضی ، اک کریم
 برمنبغدن آقان ماء الحیات ایدی . بیودم . اک اوفاق
 برکدر بنی مأیوس ایتمک کافایکن سن نظر مشفقک،
 کوندن کونه آرتان محبتک ایله او کدر هجوملرینه
 سپر اوله رق بنی محافظه ایتدک . ییدیکم نه ایدی ؟
 عجبا آنلر بر دیکرک پیشیردیکی اوله ایدی بو قدر
 حیات ویررمیدی ؟ نه کزر ؟ اوزر مه قناد کی

آچیلمش اولان اولار هر لقمه سینه دنیالر دکر
 بشقه بر لذت ویرمشیدی . سوز آکلامغه باشلا-
 دیغم زماندن بری هر سوزینی ذهنمده حرز جان
 ایدینمش اولدیغمدن درجه محبتی تقدیرایت . سنک
 آغارمش صاحبلرک ، هنوز فری آزامغه باشلایان
 کوزلرک ، صدمات زمان ایله اختیارلایان وجودک
 بنم ایچون اک زیاده سویملی ، قیمتی بر خزینه در .
 بر نسخه سلامتدر . سن حیاتمک باعث مستغلی ،
 حامیسی ، صاحبی اولدیغک ایچون ارتباطم ابدیدر .
 آنه امین اول . اوغلاک سنی اصلا اونوده ماز .
 ایشته کیجه یاریسی ! بن ینه سزی دوشونیورم .
 بشقه اندیشه م یوق . بشقه کدرم یوق . بنی تسلیه
 ایده جک برجهت وارا یسه هیمزک اک شفقتلی والده سی
 اولان وطنی محافظه دعوت ایدلمکلمدر . بن
 نازکور اوله مام . آنامه قارشى حس ایتدیکم محبت
 وطنمه اولان عشقمنددر . بو عشق پک مؤثر ، پک
 زیاده یاقیجی ، آنک دواسی فدای جاندر . آه !

ممکن اولسه ده بوسطرلری یازدیغم آنده حس ایتدیکم
 اشتیاقی تماماً آکلاده بیلسم . فقط ممکنمی؟ بنده
 او قدر اقتدار قالیمی؟ سوینج ایله تحسرم برلشدی .
 برطرفدن حسرت ، برطرفدن وظیفه . هانکیسندن ،
 کچه بیلیرم . بن سزک محبتکزه ، توجهکزه استحقاق
 پیدا ایده بیامک ایچون سزه جسارت و متانتی
 کوستره بیاملیم . سن باباسنه ، اناسنه لایق براوغل ،
 حایلهم ناموس وعصمتیله متناسب برزوج اولدیغمی
 آکلالمیدر .

عزیزمه

والدومه یازدیغم سطرلرده سنک ایچونده حصه
 واردر . اکر سن اولمیه ایدک بن المده کی سلاحه بوقدر
 جسارتله صاریله مازدم . امین اول . بن سنک آقیتد-
 یغک کوز یاشلرینی حس ایدیورم . آنلر بنمدر .
 ایکیمزکده سرشک تأثری برقلبدن آقیور . ازدواج
 دیمک ایکی حیاتی برلشدرمک دیمکدر . ایکیکزده
 قلبمک زینتی ، غروری ، حیاتیسکزدور .

سزی اوراده بولندیرمقله یشایورم . عمرم
 آرتیور . جهانده نهم وار؟ سرمایه حیات اوله رق
 نه یه مالکم؟ ایکیگزک محبته دکلئ؟ بوبکا کافی . بشقه
 توجهه، بشقه لطفه احتیاجم قالمادی . سنی سومک
 بنجه عزت وجدان دنیلن حیات جاودانی بی
 قازاندیریور . بنهرشیئی سکا بر اقدم . حربه یالکز
 وجودمی کوتوریورم . حیاتم، ناموسم ینه اومده
 قالیور . بناءً علیه آغلاماملیسک . یشامق مطلقا
 اولوم ایله نهایت بولیه جقمی ؟ فقط بومطلقایی
 قالدیره جق، محوایدجک برشی وار . اوده سنک
 کی عفیف برقادینه تودیعی ایدیلمن عائله ناموسنک
 اوساعته قدر حسن محافظه سیدر . بن بوراده سنی،
 سن اوراده بنی محافظه ایت . آریلق دیدیکمز بلا
 قهر اولور . مادامکه حیاتمز بردر . وظیفه مزده بردر .
 عسکر زوجه سی اولدیغک ایچون آغلامق سکا
 یاقیشماز . صبر و تحمل انسانی جنته، سعادت کورتورن
 ایکی ملکردر . جناب حقدن غیری مددکار

بولونه ماز . سزده بن ده آنک لطفنه محتاجز .
زمان چابوق کچر . یننه کوریشور ، بولوشورز .
بونلری کورمه مشه دونرز .

... آلایک ... طابورینک دردنجی

بلوکی یوزباشیسی

یوسف

بیاسه کز نه قدر سويندیلر ، نه قدر ممنون
اولدیلر ! بلکه مکتوبی اون دفعه او قودیلر .
ایکیسی ده مکتوب بیتیتمز طویه مدقلرینه ، یا خود
برشی آکلایه مدقلرینه ذاهب اوله رق بربرینک
یوزینه باقوب طورورلردی . اویله یا ! اختیارک
آغلامسندن برشی آکلاشیامیورکه ... زواللی والده
متصل آغلا یور ، مکتوب بیتیتمز بون بون
باقینیوردی .

صبریه مکتوبده مندرج اولان نکته لری برر
برر حل ایتدی . بتون کون آنلری دوشوندی .
اوت . زوجی پک طوغری سویلیوردی . آغلامقدن

زیاده حیاتک شدائیدینه تحمل ایتک لازمدیر. آکا
ارتباطنی ابدی قیلمق ایچون ناموس عائله‌یی حسن
محافظه ایتک ایجاب ایدیور. آنی سودیکنی نه‌ایله
اثبات ایده‌جک ! فرقتنه تحمل‌ایله دکلئ ! اوفدائی
وطن ایسه‌ کندی‌ده اوفدائینک فداکاری دکلئ ؟
فقط یا اولورسه ؟ ... یاشه‌ید اولورسه !..

قیز بوس‌سؤال اوزرینه بتون قوۋ محاکمه‌سنی
طوپلادی دوشوندی . برزماندن بریدر کریه معتاد
اولان کوزلری یاشاردی . کندی‌ کندی‌نه :

— بن‌ده تحمل ایده‌مز اولورم . دیدیکی
اشناده قارنندن طیش‌اری‌یه طوغری اورولان بر
ضربه اوزرینه ایی بر حکم ویره‌مامش اولدیغنی
آکلادی . اوت . قوجه‌سی نه‌دیوردی ؛

— صبروتحمل انسانی جنته ، سعاده‌ کوتورون

ایکی ملکدر .

بونک اوزرینه بتون بتون بوشانه‌رق :

— تحمل ایده‌رم . دیدی .



آرەدن درت کون کچر کچمز بر مکتوب دها
 کلدی. قوجه عثمانلی قهرمانی تسلیات عدیده ایله
 عائله سنی شاد ایتمکی دوشونیور. کندیسسی تهلهکه
 عظما ایچنده اولدینی حالده ینه آنلری محافظه
 ایتمک ایستیوردی. دییوردی که :

عزیزم !

سلانیکده یز. میدان حربیه برقاریش یرقالدی.
 احتمالکه صوک یازدیغم مکتوب بو اولور. فقط
 تأثره محل یوق. بن سزدن آریلیرکن اولومه
 کیتدیلمی آکلاتمش ایدم. نه قدر آغلاسه کز بر
 فائده ویرمز. اوله جق مطلقا اولور. آننهم صبر
 وتحمله آلیشمشدر. سن ده آکا تقلید حرکت ایله.
 او، قوجاغنده بیوتدیکی وجودی طوب، تفنک
 دومانلری آرەسنه براقیور. بناءً علیه آنک تأثری
 دها زیاده در. هر یرده بیوکلره تبعیت فرضدر.

سندده آکا تابع اول. قورقمه. سنك خانه ده خوف
ایدیشك بكا قدر سرایت ایدر. سكا قلباً مربوطم.
آنك ایچون ذره قدر قورقارسهك بنی بوراده
تیره تیرسك. دشمنه قارشى رزیل ایدرسك. اولوم
امر حقدر. اونده اولنلری كورمیورمی یز؟
آکا مكان وزمان هر زمان موجوددر. طول قالسهك
برقهرمان قاریسی اولدیغك ایچون یاورىء حق دائماً
سنكه برابر قالیر. محبتك اوزونى، قیصه سی اولماز.
هپسی بردر. هپسی عین امتداددهدر. بن سزه امین
اولدیغم ایچون سۆینه سۆینه کیدیورم. بنم کبی
آغلایانلرك ده جمله سی کوز یاشلرینی دیندیردیله.
بناءً علیه سزده صبر ایدك .)

زوالی صبریه! قوجه سنك یازدیغی شوسطارلری
اوقودجه قلباً تصدیق ایتدیکی حالد ینه کندینی
تأثردن آله میوردی. متصل دوشونیور، متصل
آغلامق ایستیور. اولسان، صاف، پاك بروجدانك
تأثراتی ناطق اولدیغندن منظوری اولدجه بشقه

درلو حسیاته قابله رق تزید آلام ایلیوردی. تجلیات
الهییه انتظاردن غیری چاره یوق. بو حالدده بکله ملی
البتہ بوکاره مشکک برنهایتی اوله جقدر.

زمان ناقابل ضبط اولدیغندن صبریہ نلک دوشونجه سی
آره سندن دخی حس ایدلکسزین کچوردی .
عجبا بوصوک مکتوبمی؟ کیم بیلیر؟ خیر، خیر
دکل، بردانده سالانیکدن کلدی. بو مکتوب دها
زیاده سوزشلی ایدی. یوسف آرتق وداغنامہ سنی
یازمش. یارجانسه یوللامش. قیصه، فقط قلب
دینیلن جهان مضمرک ال مؤثر بر لوحه سنی تقدیم
ایله مش اولدیغندن کنج قادینی فنا حالدده متهیج
ایتدی:

(ایکی کوزم نوری حلیله م)

بو کون آلاصونییه طوغری حرکت ایدیوروز.
آرتق دشمنک تا قارشوسنده یم. یا شهید، یا غازی.
ایمان و اعتقاد بونک ایکسینی ده مساوی کوستریور.
سکا وداع ایدم. چونکه اولسه مدده روحم سنکله

برابر در . اولوم بنی سندن آیره ناز . او قرارگاه
 ایدیدر . جمله مز اوراده برلشه جکزر . فقط قلبمده
 ایکی حرب دائمی وار . بری سزک محبتکز ، دیکری
 محبتکزی بکا تاخ ایدن دشمنک انتقامیدر .
 ایکیسی ده عین شدده . ایکیسی ده اولنجیه قدر
 محافظه ایده جکم . اولورسه م یالکزر سزککی قلبمده
 صاقل اولدینی حالدہ حضور رب العالمینه کیده جکم .
 چونکه اورایه غیظ وانتقام کیره مز . اوزاتاً عزیز
 ذوانتقامدر . ایشته عزیزم ! حرکت امری کلدی .
 حاضر لانیورز . خیر دعائیم ایچون ال بیوک امداددر .
 کنج قادین بومکتوبی حیزلی حیزلی او قومامش
 ایدی . صوکنه طوغری کلنججه المریله یوزینی قاپایه رق
 بکای مضطربانه سنه باشلادی .

بوفریاد پک زیاده مؤثر ایدی . نظرنده آراق
 هر شو بیتمش ، هر شی محو اولمش ایدی . کریه
 تأثری آره سنده قوجه سنی دشمن صفیلرندن برینک

آره سنده کوریور، خون آلود بریاره ایله دوشوب
اولدیکنه حکم ای دیوردی.

مسلمه بردن بره حایقیردی.

— نه وار؟ نه اولمش؟ دیه کلینک الندن طوتدی.

بوصوک ضربه بر شیهه قابل التیام اولیان بریاره
آچدی. یوزنده کی اصفیریت کوندن کونه آرته رق
هجران عالمه مخصوص بر رسم ماتم انکیزی صورتی
آلدی، اوکل چهره صولدی. غریب حزین بر طور
مغلوبیت، اورفتار نازکه چوکه رک زمانندن اول اوزولدی.
برشی دوشونمور، سر سام، مضطرب بر حاله
کزینوردی. مسلمه ده بارسن آلتنده، فرقت اولاد
آره سنده ازیلدی. سومک خصوصنده کندی
حسیاتنه تماماً مشترک اولان کلینک دیزندن ایرلامغه
باشلادی.

بوایکی قلب ضعیف زمان زمان یوکسونور،
ایکی محروم تسلی وقت وقت متحداً آغلار، ایکی
نالنده معصوم بر صورتده کزر، یورور، ایکی

مہجور امل بر مقصدہ خدمت ایدر اولدی . فلاك
 سکوت دنیان ویأس وقتوری ناطق اولان جناحنی
 بو آشیان مغموم اوزرینه کردی .
 تمام بر آی کچدیکی حالدہ بر خبر آلہ مدیلر .
 استانبول اعلان حربی متعاقب دولتک احساس
 ایتمک ایستدیکی جهات سیاسیه یی بردن برہ سوقا-
 قلرنده خلیجان ، هیجان ، سکنه سنک یوزلرنده
 استفهام ، مراق ، اندیشه ، اماکن و مؤسساتنده بر
 فعالیت متمادیه ، دونانماسنده بر حرکت مجبوریه ، شمندوفر-
 لرنده مناقلاتی تسریع ایده جک تشبثلر کوروندی .
 اعلان حرب ، بوشهرک درو دیوارنده ، سور
 قدیمی اوزرنده خیالی الواح ظفر ، قلاع عتیقه سنک
 برج و بارو سنده هلال نصرت ، بایراقلرنده وقار
 وعظمت ایله ممتزج اهتزازلر حاصل ایتدی .
 صباحلین اوراق حوادث الدن اله کزر ، سوقاقلر
 نعره لرله ، حوادث ! فریادلریله چینلار ، بو حال
 تا کیجه یه قدر امتداد ایدردی .

نه اولیوردی؟ حدود نه حالده؟ تجاوز ایدن
 اشقیای یونانیه می ایدی؟ آلاصونیه اردوسی نه درلو
 حرکات عسکریه اجرا ایدیور؟ عثمانلی عسکری
 ایلرلیورمی؟ غالبیت هنوز میسر اولمیدی؟ امید
 ایله ظفر برلشمیدی؟ او املر نهیه انقلاب ایتدی؟
 نه اولوردز؟ ایواہ! برخبر یوق. عجبا اورالرده
 پاتلایان طوپلر بورایه قدر اسماع ولوله ایده. نرمی؟
 افسوس! شو کچن، متلاشی اختیار نهدن
 اودرجه ده متغیر، بکزی آتمش، صارارمش، شو
 کنج، نه دن تیتیریور، آغلایه جق، دوشوب
 بایله جق کبی آدیملرینی شاشیریور؟ بو آرابه لر
 نه دن خیزلی خیزلی کیدیور، ایچنده کیلر نیه مغموم،
 نیه مکدر قونوشیورلر؟ بوسرعتله کچن یاور، آتی
 خیزله قوشدیران ژاندارمه، چانطه لی بر چاوش،
 النده بیوک بر ظرف طوتان شو سواری، نزهیه
 کیدیورلر؟ سوراق باشلارنده منتظر خبر اولان
 بو اهالی نه دن فیصیلاشیور؟

کونک بری، ایکسی بواندیشه لرله کچدی . بر
صبح، قره بر خبر . یأس وقتوری دهشت ایچنده
قلوب امته ییغه جق اولان بر شایعه منحوسه بک
اوغلنک محافل معهوده سندن فیرلادی . آغزدن
آغز میایله رق بیودی . قهوه خانه لر دن، غازی نولر دن،
میخانه لر دن انتشار ایده رک صبری نه ک اوینه قدر
واردی .

اوف ! کویا ایکی فرقه مز محصور ایمش . دشمن
خط رجعت می کسمش ؛ آمان یار بی ! نه فلاکت !
قوماندان قور توله مامش ، اوده اسیر اولمش !
نه نحوست !

یونانیلر سلانیک اورمشلر ، یاقمشلر ، اورالر
عسکر چیقارمشلر ، چناق قلعه بوغازینی تهدید ایچون
حاضر لائمشلر !

اوکون، بوامتک دم ماتی ایدی . بتون چهره لر
صاراردی ، دهان ملت هزال عصییه اوغرایانلرده
کوریلن برسکوت مجبوری ایله برسوز سویلیه مزه

دوندی . قلیلر ضربانی شاشیردی ، کوزلر نور
وتابخی غائب ایدمرك آغلامق کبی اکی بیوک برتسلی بی
اونوتدی . یالکیز برصدای غیب : ناموس ! ناموس !
دیه آذان اهاایده طنین انداز اولیوردی .

کیجه سی حیثیت ملیه بی شرف و شان
عسکری سی ایله اعلا ایدن بروجودک تشییعی ولوله سی
ایله کچدی . فقط سحری ، اوصباح الخیر مژده رسانی
ملتک کوکلنی سرور وشادی ایله مجبور تهلیل
وتعظیم ایدن بر بشارت عظمای ظفری ورقاره لر
اوزرینه نقش ایدمرك آقشامه قدر کدر والمی
اونو تمق کبی بر صفای روح نوازانه ایله مرور ایتدی .
جنود عثمانی ملونادن کچمش ، یوسفک منسوب
اولدینی فرقه طرنویه کیرمش ایدی .

بو ظفر ، مکر یونان محاربه سنک ختامنی تهیئه
ایدمرك اسباب غالبانه دن ایمش . فقط نه مسلمنه ،
نده صبری به بوغایه آمال دن خبردار ایدی لر . آنلر
کندی درد لرینه طامش لر ، آنی آرایوب صوروشد .

میورلر . بر خبر یوق ، ذره قدر معلومات یوق .
ملونا کچیدی هجوملرنده ایجه شهید اولانلر وار
ایمش . بر یوزباشی بلوکی تپه لرده کاملاً محو اولمش .
نه فنا خبر! باب سر عسکریده کی کاتب افندی نه قدر
کتوم؟ یوزندن بر فلاکت اولدینی آکلاشیلور . آه!
صبریہ بیلمیورمی ایدی؟ اودها اول حس ائمه -
مشمی ایدی؟ مسلمہ ده رؤیاسنده کوردیکی حالده
سویله مامش ایدی .

آه! پک اوزادی . آرتق آناده، زوجه ده قطع
امید ایتدیلر .

بیچاره قیز! اضطراب حمل ایچنده اویالاندینی
زمانده ینه آئی سودیکنی بودورلو اوجاع مادیه نی
استخفاف اتمکله اثبات ایلوردی .

بر صباح آغریلر بتون بتون باش قالدیردی .
صبریہ وضع حمل ایدیوردی . قیوبردن بره اوریله رق
بر نفر کوروندی . النده کی مکتوبی اوزاده رق
بلنده کی کمرینی چوزمکه باشلادی . برربرر صایه رق

مسلمه یه آلتی قدر لیرا ویردی . عسکر خانهدن
چیقار چیقماز صبریه ده قور تلمش ، فراش استراحته
چکیلمش ایدی .

بر اوغلان ، اهنک الاری آره سنده ایلک فریاد
ضعیفی قوپاردی . بره ژده یه بره ژده دهایتیشدی .
ایکی قلب ناشاد بر آنده موقه سویندی . کلن هم
پاره ، هم مکتوب ایدی . صبریه تسکین اضطراب
ایدوبده او قومغه قدرت پیدا ایدنجه یه قدر بو حاله
واقف اوله مدی .

آقشام اوده توتسیلر یاقیلماغه ، شربتلقاینماغه
باشلادیغی زمان قاین آناسی مکتوبی ویردی . بی چاره
قیز ! کمال تهالک ایله صاریلهرق اوپدی . ظرفی آچه رق
او قودی :

زوجه عزیزم

(لطف الهی بزه معین اولدی . عسکر من
مه لو نا دنیان بوغازلری یاره رق ، تپه لره طیرمانه رق
کچدی . طرنوه یه کیردک . یاره لندم . فقط او قدر

خفیف که صار دقدن صکره ینه بلوکمک باشنده
بولیورم . عمر مده بویله برکونه تصادف ایده جگمی
بیلیم یوردم . بو هجوم متانتمی آرتیردی . آرتق بر
شیدن قور ققام . طابور مزاولدجه خیر پانندی . فقط
بن ینه صاغ وسالم قالدیم . جسارتم قوماندان پاشا
طرفندن تقدیر ایدلمش . تلطف ایدیله جگمی تبشیر
ایتدی . ثمره فؤاد مزك دم طلوعی تقرب ایتدیکی
جهتله یانمده بولنان آلتی لیرا قدر پاره یی سزه
یوللایورم . محاربه بر آزدها سورمه جك . انشاء
قرباً کوریشیرز . والدهمه اوغلنك ، باباسی یرینه
قائم اولدیغنی سویلیك . افتخاری آرتسون . آنك
ویردیکی بزلی صاردم ، آنك تفتیکلرینی یارمه
قویدم . مرهمدن زیاده تأثیر ایتدی . آقان قائم
در حال طوردی . آغری طویماز اولدم . قولمده کی
بازو بندنی قوتدن دوشورمدی . دهه زیاده یکیت
اولدم . بابامك پالاسنه کونش چارپدجه پارل پارل
پارلایور ، اوزرینه نور رحمت اینیور ظن ایدیورم .

بونلرک جمله سنی سویله . سویله که بنی دهها زیاده
 سوسون . بکاسزک محبتکزدن ماعدا مدار مفخرت
 اولور برشی یوقدر . آلدیغم یاره نشان افتخار مدر .
 بونم وجودم اوزرینه دکل بتون عائله مک سینه
 حب و مودتی اوزرینه آچیلش بر نشانه صداقتدر .
 بناء علیه هر زمان سویله دیکم کی تسلی یاب اولک .
 جناب حق ایلاره و عدم کافات ایتشددر . بن بوم کافاته کسب
 استحقاق ایتمهک چالیشیورم . سزده بنم کی چالیشک .
 صبریه بیتیریر بیتیرمز یتاغی اوزرنده بر تبسم
 ایتدی . بتون قوه نظریه سنی یوزینه عطف ایتش
 اولان اختیارده بلا اختیار کولدی . فرط مسرتندن ،
 اوتبسمک رباط قلبنه ویردیکی انبساطدن کوزلری
 سرشک شادی ایله طولهرق کلینی اوپدی . بوپوسه
 دهن یوسفک نشوونما بولدیغی روضه عصمتدن
 قویمش برکلفنجه ایدی . اوبوی مغوی ، اوتماس
 آتشین محروم سرور اولان اوپاکیزه یی برقاتدها
 دلشاد ایتدی . اوغلنک یشیل دوواغنی آچهرق
 ایلک دفعه اولمق اوزره امزیرمهک چالیشدی .

حرب، بر صورت تساوی کو سترمک ایستور
 ویا بر قانون تعادله خدمت ای دیور ایمش کبی جنود
 عثمانی میلونا بوغازلرندن کیردیکی حالده دشمنک
 دخی پای تعرضی یانیسه جهتلرندن خاک پاک وطنی
 تلویتسه تشبث ایله مشیدی . برسوز، ینه مشئوم بر
 خبر ایلك سرور و نشاطی محو ایتدی . بوسوز، ینه
 اعصاب امتی تیترتدی : یونانیلر لوروسه تجاوز
 ایتمشلر ! کمالی باغلا جا ایلتیلمیشله، لینا
 اندیشه، بوهیئت اجتماعیه آره سنده سیار بر
 مرض ایمش کبی قلبدن قلبه کچوردی . فقط دولتک
 آز زمان ایچنده اجراآت و تنسیقات فعالانه سی
 نتیجه سی اوله رق بریکدیردیکی قوه مدافعه یه هر کسک
 امنیتی وار ایدی . نه چاره که بوسوز استانبوله عکس
 ایدر ایتمز ینه بر ولوله نهانی سوقاقلری طوتدی .
 آوروپا افکار سیاسییه سی بزم اوزر مزه یوریور،

نیجه زماندن بریدر آوازۀ سطوت و نباهتی بواقطار
وسیعه ده طنین انداز اولان عثمانیلر مهاجمات شدیدہ
ایچنده قالدی ایش !

بالقاندی آتار انتباه کورینیور ایش ! فلاک
ینه بر تجربه دیکرله بازوی ملتی بوکمک آرزوسنده
ایش ! بلغارلر، صربیلر، قره طاعیلر تدارکات
حربیه ده بولنیورلر ایش ! یونانیلر دونانمالریله
قواله طرفلرینه عسکر سوق ایدهرک شمندوفر -
لرمری بوزمشلر ! معارض کورفزی اوزرینه
اون بیک کشتی چیقارمشلر ! آطه لر آتش اختلال ایچنده
قالمش ! یانیه بی محاصره ایتمشلر ! اوراده اوچ طابور
عسکر مز اسیر اولمش !

نظر حکمت بوجادله حریصانه دن استکراه
ایدی: مکر زمان کچدکجه وخامت اطراف آرتیور،
قانی، چشم عبرته نفرت ویره جک درجه ده وقایع
عیدیه حصوله کلیورمش ! بر دره نیجه سرمرده نی
اوافق طالعہ لی صولری اوزرنده کز دیره رک مدنیت

نامنه حرکت ایدن آوروپانك درجه وحشتنى
 كوسترييور، برسنكلاخده بيكلرجه قادين، چولق
 چوجق نعشى ييغلمش، مظالم يونانيه نك وجوده
 كتيرديكى آثار دهشتى تنظير ايدهر ك عثمانليلىرى
 مؤثر منظره لرله اوزييور، برطاغك پيرامنى شهداي
 وطن قانى ايله پيرايه داراولمش، حيت مندان امتى
 انتقامه دعوت ايدىيورمش! مكر اپرده، تسالياده
 قوپان، بتون جهانى قاپلايان فرياد استمداد برسكون
 موتائى حالنده ملك عدوينى تيره تيور، بر نفس واپسين
 كى سونيورمش!

مكر غلبه بر فعل عمومى حالى آلمش! يونانستان
 اساس ادعاسنده كى ضعف و بى تابى جهتيه، كندى
 اوزرينه ييقيليويورمش! ماتى ده، لوروسدن
 صكره وقوعه كلن انزام دشمنك جباتنى دنيايه
 طوييورمش!

اوت. يأس و فتور مزي آرثيران ايلك خبرلرى
 بودرلو حوادث ساره تعقيب ايتمكه باشلادى. طوپ

تفنگ صدالری یونانستانلی لرزه دار ایدیور ،
قوافل مهاجرین شمالدن جنوبه طوغری سرعتله
کیدییوردی .

ینه بر صباح ، علاوه ! دییه عکس ایدن صدا
اولکی سکوتی اخلال ایتدی . یکیشهر آلمش ،
تسالیانک آناختاری بزه تسایم ایدلمشیدی . بوتسلیت
مظفرانه ینه چهره امتی کولدوردی . دهان اتحاد
عثمانی دعا لرله ، آفرین خطا بلریله اعضای اجتماعیه -
سندن اولان اردویی آلقشلا یور ، وجدان اتفاق
دولت اعلا ی حق و حقیقته موفقیتندن طولای
ایتهاج و مفخر تلرله اعلان نصرت ایلوردی .

تا اوزاقلردن ، منتهای آفاق غربیه دن صلح
سوزلری عکس ایتمکه باشلادی . آوروپا بوکله یی
ایشیدیلیمیه جک درجه ده پس بر صدا ایله تلفظ
ایدیورمش کی صحائف اوراق حوادثنده اوفاق
اوفاق سطرلر ، تلغرافنامه لر ، روایتلر کوریلوردی .
غریب ! مسدنی آوروپا قپ قیزیل متعصب

کسیلمش، هلال فرخ قال عثمان ایله صلیبی مقایسه
ایدیور، منافع ملیه یی محافظه ده صوک درجه ده
ملحد کورینن مطبوعات مدنیه ایمانه کلمش، نصرانیقی
مدافعه یه چالیشیور !

تحف! دشمن پابدوش اضطرار اولمش، قاجیور،
وقتک خبر صحیحی اولمق ایجاب ایدن جرأند اجنبیه
مقاومت، وطن پرورلک، ناموس عسکری یی
محافظه ایتمک کبی شرفلرله، مزیتلرله یونانی مدافعه
ایدیور.

شاشیله جق شی ! چناق قلعه اوکنه کلدیکی
سویله نن دشمن دوناماسی پروزه اوکنده آتیلان
بر قاق مر می یاره سی ایله سور وکنه سور وکنه،
آقندیلرله آقه آقه تداوی یه محتاج، تعمیره مفتقر
قلمش، بر قسمی ایچریده حصر و تضیق ایدلمش
طوریور! یونانیلر حالا قطع امید ایتیمورلر.

اینانلماز وقعه ! تر حاله، چتالجه بربری
آردنجه اله کچه رک یالکز ولستینده بر نقطه مدافعه

ایستاد اولمیش ، سولوس کتیمی کندیسه ابواب
 دینسیتی آچیش ، بیزی چاغیرییسوز ، عثمانلی
 دینسیتی ، سولوس کتیمی کندیسه ابواب
 فقط صبرییه ایله مسلمنه ده بروجسم فاتر حالنده
 قالدی . هیچ بر خبر بوق . محمد غالب دهها بر
 خفله ، خنور کوارسیور ، آغلارکن اوویور ،
 اوینوب آغلایور ، برنگه برزخم هجراندن شکایتی
 آکدیریور .

فطرت ، اوچهره مصومده بر خنده
 یتیمدیره میه جکمی ؟ هنوز اشکال خارجیه دن عاری
 اولان اودماغ ، خاصه تثبیتیه سنی حاصل ایتدیکی
 زمان یان یانه طورمش ، ایکی وجود ایله آرایش
 بذیر اوله میه جکمی ؟ دهها هر بر اشعه رؤیتی بر طرفه
 قاجهرق دنیایی ، اشیایی بر مجهولیت قطعیه حالنده
 کورن انظار معصومه سی جدینک وارث متانت
 وحیتی اولان باباسنه انعطاف ایدمرک طویدیغی ،
 آکلادیغی حس افتخاری اوفاجق وجداننده

پایدار ایده میه جگمی ؟ او دوداقلر بابا نیمیه جگمی ؟
 اذان محبتده او غلوم! دیمه صدار پیدا اولیه جگمی ؟
 اختیار بودرلو دوشونیور، سویلیه میور، فقتض
 بو حسلر ایچنده چبالانیوردی . برکون قومشودن
 تلاش ایله اوه کیره رک صفه ده غلبه شه اغوش
 اولان کلینه :

— سن دها چیقمه مازسک . قرقنی بیتیره مدک .
 بن بریره کیدیورم . قومشو شمیدی کله جک
 برابر اوطورک . ایکی اوچ ساعته قدر کلیرم .
 دیدی . صبریه شاشیردی . قاین آناسنده کی
 تلاش نه در ؟ کندی کندینه برشیلر سویلیور .
 آچیق نخودی فراجه سنی جیقارمش . بیاض
 اوستنه آل کلملی انتاریسنی کیور . یشیل سیاه
 یمیلرله باشنده کی فسنی سوسلیور . آلتک اوستندن
 بیاض بردلداده صارمش . آقبه قیرمزی آره سنده
 مخیر طوران صاچلرینی اورتیور . بیاض چورابلرینی
 چکمش . مرغوبلرینی آرایور ، قالدجه یشدماقی

تسبیحی بلنه . تسبیحی سورونیور . تسبیحی بلنه
 اعیور ، کوزلری دکنکنده . اورمه کیسه سینه
 پاره لر قویور . عجبا اختیار نر مه کیدیور ؟ یول ده
 بیلمز .

قبو چالینیور . بکچی :

— بیوک خانم حاضر میسک ؟ دیه باغیریور .
 مسلمه بریره کیدیور اما نر مه ؟ او طه سندن
 چیقوبده دوتا اولغه باشلایان قامتی دکنکنه
 یاصلاته یاصلاته یورومکه باشلادیغی ائاده ،
 محمد غالبی بر کره ده اوپدی . کلینه :

— قیزم . بن بر ایکی ساعته قدر کلیرم .
 مراق ائمه برشی یوق . او غلمک سلامتی ایچون
 برخیر ایشله مکه کیده حکم . سن غالبی او یوت ،
 مه ویر . بزلینی یقا . مانغالده ات وار ، دقت
 ایت . قومشو خانمه سویلدم . چاشیرلری
 دوشیره جک کبی دیه جکلرینی دیدکدن صکره
 مردیونلردن آغیر آغیر اینمکه باشلادی .

بو حال . صبری یی دوشوندیردی . هله
اختیارک میاه یعنی باشلامسی ، حنفیدینک بشیکی
یاننده او طور رکن دم احتضاره کلش اولانلردن
ایشیدیلان برصدای حزین ایله نئیلر سو یلمسی ، آردهده
صیره ده شاشیره رق :

تی یوسفمه تی

تی بنم کله تی

دیه رک اوی ، او آشیان محزون ی بر صوت
ماتم ایله ایکلتمسی ، کندی شاشقینلغنه واقف
اولنجه دونوب اطرافنه باقنه رق کلینی بو پارچه یی
طویدیمی طویدیمی دیه استکنه کیفیت ایدیشی
بی چاره یی اوزدجکه اوزیوردی .

ذاتاً کندنجه امید قالماش ، اوورد خزان
دیده بتون بتون صولمش ایدی . عجبا او آرام
جان نروده ؟ شهیدمی ؟ البته . فکر و ذهنی محو
ایده جک درجه ده مدهش اولان بومبارزه دن
نصل قورتلسون ؟ اولوم ! بیکلرجه عسکر شکنه

کیرمش ایکی اردو اوزرینه صالدیریور . انسان
صورتنده تمثیل ایتمش قلوب بشرده مکنوز اولان
غیظ وحدت ایله یوریور دگی ؟

صبریہ ایچون اوطور مق ممکن دکل . دائمی
برحاله بولنان خلجانی مانع آرام اولیور . یاتاق
مستحیل . اوقورقونچ رؤیالر کوز قپامغه جسارت
ویرمیور .

یاسکون نصل قابل اولور ؟ مرحمت پامال جیش
اولمش یرلرده سوریور . شفقت آره دن چکیله رک
استمداد آوازلی بوش یره صرف ایدیلیوردی .

مسلمه آغلايه آغلايه ، بکجینک تسلیلرینی
دیکله یه دیکله یه یولده کیدرکن ، صبریہ قومشو
ایله اوده ایش کورورکن اوک قپوسی اورولدی .
برسس :

— یوزباشی یوسف بکک اوی بوراسیمیدر ؟
دیور . قادینلر قوشدیلر . برال قیرمزی

برکاتند اوزاتمش یور یورد . قیرمزی کاغدی ؟

قان رنکنده ! ایراه ! قان رنکنده !

صبریه صوئے در حده حیدجان ایچنده اولدینی

حالده :

— بونه در ؟ دییه صوردی . ینه اوسس :

— تلغراف ! . قولاغنه مهرکزی باصک :

دیدى . مکر ، مختار ایله تلغرافنامه موزعی قپویه

کیشلر . صبریه یوقارییه قوشه رق معامله لازمه یی

ایفا ایچون مهرینی کتیردی .

تلغرافنامه یی یرتدی . یوسف او قدر بکلتد کدن

صکره شمدی مژده ویریوردی :

(چتالجه ده یز حمد اولسون صاغم)

اوح ! نه مبارک مژده ! نه کوزل خبر ! نه سونجلی

تلغرافنامه !

فقط صبریه ینه متسلی اوله مدی . اندیشه آکا

بیك درلو قورقو ویریوردی . کویا قلبنه کیرمش .

آکا :

— اینانمه! اینانمه! قاین والدۀ کسنی اوزمه مک
ایچون دمنیدن کیتدی. بویله بریالان دوزدی.
دیوردی. اویله یا! بکچی ده برابر. یاننه پاره ده
آلدی.

آه کاشکی یامیه ایدی؟ کاشکی بردن بره زوجنک
شهید اولدینغی سویلیه ایدی! او آکلادی. هم
اولدن آکلامش ایدی. غالی صالارکن:
(نی یوسفه نی)

دیمورمی ایدی؟ یوسفی طالینغی خواب ایدی
شهادت ایچنده صداسیله اویالامق ایستیور، کندسی
عسکر قاریسی، عسکر آناسی اولدینغی ایچون یورکی
قاتیلاشمش، صبر و سکون کوستریوردی.
کوزیاشرینی قومشو قالدین کورمسون دییه غالبه مه
ویرمک بهانه سیله یوزینی ستر ایتدی. آقان بر قاق
قطره سریع معصومک صاف، پاک، هنوز ایادی
کدرک صولدره مدینی یناقلرینه بربری آردنجه
دوکولدی. چوجق، آغزینی خیزله مده دن چکهرک

فریاده باشلادی . بوغوق ، کریهلی ، خایجانلی
صداسیله :

— واه! یاوررم!.. دییه اولدینی یره چوکدی
برکت ویرسون قومشویه! در حال امدادینه یتیشه رک
یوزینه، باشنه صولر دوکدی . قیصیلش چکه سنی
آچدی . الربی اوغدی . کل صولری قوقلاتدی .
اوقوددی . اوفوردی . ایکی فریاد آرمسندم کندینی
شاشیرمیه رق صبریه پی یتاغه یاتیردی . غالی اینجه ،
تیترک پرده لی تنیلریله اویوتنه بیلدی .

قادرین اوقومه بیلمدیکی ایچون تلغرافنامه ده
نه یازیلی اولدیغی بیلمیوردی . صفه ده کی دیواری
اوره رق قیزینی اوه چاغیردی .

بی چاره زوجه ! او حال غشی اوزرینه بر آز
طالمش ، اویویور ، آرمه ده صیره ده کوکسنی شیشیریور ،
رؤیالره اوزولور ، سیلکینوب کوزینی آچیوردی .
اوته کیلرده طیشاریده قونوشیورلر . آناسی ، قیزینه :
— غالباً یوسف بک شهید اولمش دییوردی .

اختیار عهدت استدیگی زمان مردی نلردن

— آفرین آفرین! اه حیب اکرمی حرمتنه
 :شاهسه یار دیمچی اولسون! آفرین، اوماندان یاشایه
 قوجه بر ملکته ده! آلمش! دییه سربانیوردی.
 قومشو قادین پارماغیله :

— صوص!

اشارتتی ویرنجه مراقلانندی. صبریئه نك خسته
 اولدیغنی، آلدیغنی بر تلغرافنامه اوزرینه بایلدیغنی
 طویونجه شاشالادی. کمال تلاش ایله او طه دن
 ایجرییه کیرهك هنوز اویانمش اولان کلیننك
 یوزینه باقوب اولدیغنی یرده میخلی کبی طوردی.
 بر شی صوره میوردی. کنج قیز باشنی ستمکارانه
 صالایه صالایه دیدی که :

— خانم نینه! بونی بویله یاماملی ایدك!
 مسلممه ده بایله جق. بی چاره اختیار نه یاممش؟
 دنیاده کیمسه یه فنالق ایتمه مش بر سال دیده کلیننه

نه یاپه بیلیر؟ المریله دیزلرینه طیانش، کوزلرینه باقه رق:

— عجیانه یاپدم؟ دییه قیزینه سور میوردی. صبرییه

طور میور، متصل سویلیوردی:

— بکچی ایله تلغرافخانه یه کیدوب بویله

تلغراف ویر دیره جکنه اولان بیتن شیئی سویله میور!

— تلغرافخانه می؟

اختیار بتون بتون شاشیردی.

— بك چتالجه ده می؟

مسلمه برشی آکلامیوردی. سویلدیکی ده

بیل میوردی. حتی کندی کندینه:

— چتالجه نره سی! دیه سویله نیوردی.

ایشه واقف اولنجه یه قدر صبرییه دیکله دی.

اك نهایت:

— قیزم! بنی ده شاشیرتدك یاوروم! بز،


قوجهكك یوللادیغی آلتی لیرادن اوچنی آیردم.

عسکرلر ایچون اعانه ویر یلیوردمش. بریر وارایش.

یوسفم ایچون کیتدم، آنلری اوزایه ویردم. حمد

اولسون مسلمانیم . بن یالان سویلیم . شمدیایک
 ییه جکمزوار . پاره مزوار . بن یوسف ایچون کیتیم
 الله بر علم و خبر و یردیار . دیدر ای کاغدی چیقاروب
 صبرییه و یردی .

قوجه اختیار! بوبرات حمیتی ایله کلینی تسلیه
 ایدم دك بر عسکر قاریسنك ، بر عسکر آناسنك
 قاتی یورکلی دکل مفتون فضائل اولدیغنی کندی
 حالیه ، کندینه مخصوص لسانیه ، کندی حرکتیه
 صبرییه آکلاتدی . اوده ، کندیسیده ، قومشو ایله
 قیزی ده مستریح اوله رق آقشام سفره سینه
 اوطوردیلر . محمد غالب قونداغی ایچنده غازلر یانمغه
 باشلادیغنی زمان اوافق بر تبسم دها ایئرک دردی نی بردن :
 — ماشاه ! دیدر مکه مجبر و ایتدی .



مسلمه، اودن ایجری یه کیردیکی زمن نه
دیوردی؟

— آفرین! قوماندان پاشایه! قوجه بر عملکت
دها آلمش دیمورمی ایدی؟ مکر پک صحیح ایش!
دشمنک، اک متین، اک منیع ظن ایدیلن مواقع
حربییه سندن بری دها ضبط ایدلمش. ینه سوقاقلر
پرولوله. علاوه! نعره لریله پرطنین. هر کس
دومکه! دومکه! دیور. دومکه ده ایدی مظفریه
دوشمش. هلال، اورانک ده برج و باروسی اوزرنده
طوغمش، کوبه اقبال دولته اک زینتلی برنشان
منه خرتی اورانک ده افق وسماسنده موج ایتکه
باشلامش.

اردو ترموپینه کیدن شهراة فتوحه ناظر
بوانیور، فورقه کیدن دن قارمه قاریشق بر صورتده
طاغیان جیوش عدو کویا بابالرینک سیلابه مهاجمات

ایرانه مقاومت ایدن موقعلرینه طوپلانمغه
چالیشیورمش !

دومکه آلمش فقط اوسکون تام نره دن

حاصل اولدی ؟ بزه تسلی ویرنلرمی اولدی ؟
ناصیه لرده لمعان ایدن نورحمیت نهدن سرورونشاط
ایله امتزاج ایدمرك بوقدر لاهوتی کورینیور ؟ او
تلاشیر، ترددلر، اضطرابلر، اویقوسزلقلر کچمش،
فقط تأسسندن بری احراز غلباته، دنیانک هر درلو
تقلباتنه آلیشه آلیشه استخفاف دشمن کی بر
مقصدی قلبندن ازاله ایتمش اولان شو افراد، ناموس
وحیثیت عسکریه سنی تأمین ایدر ایتمز اولکی سکوننه
عودت ایتمش ایدی.

مطبوعات آلمش اولدینی تربیه داخلنده اداره
لسان ایدمرك خاقی ناجا ملاحظاته سوق ایده جک
شارلاناقلردن معرا بولندیغندن صحائف حوادثی
کسب اطلاع ایتدیکی تفصیلات ایله طولو کورینیور،
منارکه نك قریب الوقوع اولدیغنی احساس
ایدیوردی .

اونه درلر شادی ساکنانه ایدی که انظار حیت
 نام شقه کورنک باشلان بای تخت بر قایق آرا اول
 رنورده تصیل ایشدیکي آثار صفای برور بر جاب
 ایدر ائ منضره قیده سنه رجعت ایتیم خصوصاً
 بر ضیعت بسته اخذ ایدیور، قوجه شهر کورانیسز،
 ولوله سز اوله رقینه کیجه لرینی پرده سکون آلتنده
 کچیریوردی .

بوسکون، مرض سیار کبی کزن اندیشه نک بر
 طرف ایدلدیکنه اشارت اولدینی ایچون آمد شد
 ایام اسکی طرزینی بوله رق قلوب عامه یی تهییج
 ایدر جاک بر شی قالدینی آکلشیلوردی . حق
 صبری ده، مسلمه ده ساکن، ساکت بر حالدده محمد
 غالی سویور، بیودیور، امزیریور . آنکه
 اکلنیلوردی . یالکز اختیار آرده بر آه چکیور،
 استراحت قلبیه نک اولور اولماز توقفلرله عودت
 ایدمه جکنی آکلادیوردی .

فقط تلغرافنامه نک ورودی دیگر بر مکتوبک

ورودینه دلالت ایتدیکی ایچون ابکیسی ده بکلیوردی .
 آنلرده متارکه نك اعلان ایدلدیکنی کوچ حال ایله
 آکلایه بیلدیله . یورکلرینه صولر سرپیلدی . آرتق
 محاربه اولیه جق ! دییه سوینیوروردی . یوسف
 برحیات ! آنی اولدیره جك کله لر ، تفنکر آرتق
 آتلمیور ! اوح ! اوتوز اوتوز بر کون سورن بو
 آتش جدال آرتق سونمش ، یالکز تسالیا باروت
 دومانلری ایچنده قالمشیدی .

نه قدر کوزل ! عثمانلیر بر آیدن بریدر اوغر
 اشدقلری اثبات حق ماده سنده قازانمشلر ، بتون
 آوروپایه حقلرینی آکلاتمشلر ، طانیتدیرمشلر ،
 اروانك ذوات سیاسیه سی دشمنی مجبور اطاعت ایتمک
 ایچون بالذات صاحبه وساطت ایدلمسی نیازنی
 بکلیور ، تلغرافنامه لر یکدیگرینی تمقیب ایدیور ،
 علیهمزه اداره لسان ایدن اوراق حوادث اجنبیه
 تبدیل لسان ایتمش ، ملاحظات معطلده ده
 بولونیور .

مکر بر آیلق همت حق پرستانه ضایع اولامش،
 مکر بر آیلق غیرت حمیت پرورانه هبایه کیتمه مش،
 هرکس بزمله اوغراشیور . آوروپا شرق مسئله -
 سنک آلدیغی رنک و صورتی دوشونیور .

بزده آنلرکی دوشونیوردق . فقط نه مسئله
 نه ده صبرییه بومطالعاندن خبردار ایدی . زمامداران
 حکومت قرق الی ملیون اهالی نی تسریح ایدن
 فتوحات و غلباتدن اقتطاف حقوق ایله مشغول
 ایکن بو ایکی قادین اوقرق الی ملیوندن برفردی
 نظر دقت ارکنده بولوندره رق آنک سلامته ،
 طولانیسیله جمله سنک عافیتنه دعالر ایدیورلر .
 نماز ، آنلری سجده بر تعظیم اولمغه دعوت ایتد
 یکی زمان تضرعات مستمندانه لری آرمسند بده
 قاووشمق کی بر لذت دنیویه نك نصیب اولمسنی
 استرحام ایلورلردی . قلوب صافیة نسوان هیچ
 بروقت آثار شفقتدن خالی قاله مامشدر . بوایکی
 قادین دشمنلرینه بیله آجیورلردی . آنلرک

قاریارینی ، چو جغتایینی ، قره‌اشلرینی ، بابالارینی
 آنلارینی دوشونبورلر ، مقتولینک اولرنده قویان
 ناله اضطراب کوبا آنلره قدر واریوومش کی
 متأسف اولیورلردی . حتی مسامحه :

— یامیه ایدیلر اولمازمیدی؟ دهرک اونده کندی
 کندینه بر محبة صالح اولدیغنی اثبات ایدیوردی .
 بیلمه کن: بومعیشمت نه قدر صافیانه در . حیات
 آنلرایچون بردور آسودکی اولسه ایدی دوشونمک
 دینیلن شیئی احتمالکه ابدیاً دوشونه میه جکلردی .
 فقط آرده صرمده کوکلری اوزن فرقتلر ،
 هجرانلر . ذهنلری بشقه دوشونجه لره یوران
 اندیشه لر ، اضطرابلر عمر ایچون گاه آغیر ، گاه
 خفیف بر طاقم تأملات متابعه یه احتیاج اولدیغنی
 آنلرده تصدیق ایتدیرمشیدی .

انتظار بوایکی صافیت مجسمه یی سونجلی بر
 نتیجه ایله بردها کولدییره جک ایش که ینه بر اوکله
 زمانی پوسته جی قویو چالهرق مائی ظرفلی ، اوزری

قیرمزی بالومولی بر مکتوب براقدی. آرتق مسلمه
 طیانه مدی. موزعت آرقه سندن باغیره ورق کیزی
 کیزی حاضر لادینی قلاپد از ایشلمه لی بیاض بر
 مندیل ایله اوچنه بر چاریک صاریلی قیرمزی بر
 یمنی مأموره هدیه ویردی.

ناقل بشارت یار، حامل امید وامل اولان بونامه
 نه قدر مقبوله کجدی؟ مسلمه قوقلیور، یوزینه
 کوزینه سوریور، بوسفر مادره انتقال ایدن عذاب
 فرقت، پیراهن جاز ایله دکل بر کاغد پارچه سیاه
 بوی لطیف یوسفک ویردیکي نشاط خاطر دن
 ضولای آزالیور، بر زماندن بریدر قوه نظریه سی
 آفاق مجهوله یه انعطافدن، آعلامدن آزالان دیده
 حسرت غریب بر تضاد حسی یی آکدیرر صورتده
 سیاه سطرلری کورمکه اکتساب فرایلیوردی.
 عجبا بو محمل کرانه های وصلتده نه لر واردی؟
 مسلمه بونی دیکله مک ایستیوردی. یوسف، نه
 خبر لر یوللامش، او عزیز حمیت پرست بو دفعه ده

هانکی اخوان و طئانه بر بر! نهلر سویلیورلر؟ صبریہ
 ینسه حیزلی اوقومیور؟ اوقوسسه بیلکه کیم
 آکلایه جق! قولاقارنده کی اوغولتیلر نه در؟ قلمنده کی
 خلیجانیه طور میور؟

میسعود صبریہ! دها اینک سطرلر مستمول نظر

تحریری اولور اولماز:

— خانم یننه! مژده! مژده! دییه حایقیردی.

اختیار یننه شاشالادی. یوسفی کیش؟ نه

ارلش؟ بختیار زوجه بر آاز آرام ایتدکن صکره
 اوقومغه باشلادی.

(بنم کوزل آننه حکم.

دعای خیریکی جناب حق قبول ایتش. سایه کده

رتبه آلدیم. قول اغاسی اولدیم. آراق محاربه بیتدی.

دشمنک طاقی قالمدی. احتمال که آاز وقت ایچنده

دوئر، کلیر، سزی بواروم. شمدی فورقه بوغازی

دینیان طرفه کیدیوروم. مأموریتیم موقتدر. مراق

ایتمیک. بنده، سلاح آرقداشلرمده سلامتده یز.

بیسه جگمز بول . راحتمز برکال . عثمانلیر حربه
 دوکونه کیدر کی کیدرلر دیرلردی . صحیح ایتمس .
 نه زمان او یوسمه رو یاده سنی ، صبرییه نی کورییورم .
 حضرتاه بونعمتی احسان ایتدیکی ایچون صبر و تحمل
 توکنمیور . عجا چوجغم دنیا یه کلدی می ؟ صاعمیدر ؟
 قیزمیدر ارککمیدر ؟ اکر طوغمش ایسه نیم طرفدن
 برر کره دها اولک .

(صبرییه نك صحتی نصدر ؟ انشاءه ایدر .
 آغلامسون ! آرتق سوینسون ! کولسون ! بن بوراده
 سوینج ایچنده یم . سزده سوینك . او مزه فرح
 و سرور طولسون . هرکسك کولوب اوینادیغی بر
 زمانده سزینه محزون طورده جقسکز ؟ بوراده کی
 عسکرلر بینه سازنی چالهرق ، ترکیلر سویلیه رك ،
 اوینایه اوینایه اعلان ظفر ایدیورلر .

(سزدن مکتوب آله میورم . یرم بللی دکل که
 یازم یم . فقط کوکم دائما صحت وعافیتده اولدیغکزه
 شهادت ایدیور . وازاولک ، صاغ اولک . انشاءه
 بونلرک جمله سنی کورمه مشزه دونرز)

اختیار مکتوب بیتربیتتمز اللرینی قالدیره رق حسلی

حسلی بر :

— انشاء ! دیدی .

آمان ! اختیار مفخر تکر ایچنده . یوسف قول
آغاسی اولمش . آکا پاشا لقی بیله آز . مسلمه نك
اوغلانی اردوده بکنمشلر ! سومشلر ! قوماندانی بیله
جسارتی ، غیرتی تقدیر ایتمش ، رتبه ویردیرمش !
آفرین یوسفه ! آناسنك آلنی آق چیقاردی . باباسنه
رحمت آلدیردی .

هله بر کره استانبوله کلسون . آلنندن اوپه جك .
بروقت قوجاغنده طاشیدیغی اومینی مینی یاورو
شمدی قوجه دلیقانی اولمش ، محاربده قلیج
صالایور ، طاریسی محمد غالبك باشنه ! عمر بو ! کوز
آچوب قیانجیه قدر کچور . حکمت خدا ! اوتوز
سنه نه قدر چابوق کچمش ؟

صبریہ ، طویدیغی مسرتك نه دن نهانی برحس
افتخار حاصل ایتدیکنی محاکمه ایدر کی بر شی

سویله میور؛ او ارککنک نه درلو قهرمان اولدیغنی
 یکی یکی آکلایوردی. آقشاملری اوینه کلیرکن
 سوقاغک باشندن ایشیدیلن قلیجک شاقیردیمی
 ذاتاً آنده بر فکر دیگر حامل ایتشیدی. طوری،
 مردانه سوزلری، آغیر، وقورانه دوشونملری،
 سرت فقط حقلی تنیهانی، آرده بر چین جین
 کوستریشی آکا اووجود متین حقنده ذاتاً بشقه
 حسلر ویرمشیدی.

زوجی قول آغاسی اولمش! اوت. محمد غالب
 اغورلی کلدی. خیرلی چوجق! همده نه قدر سویملی،
 نه قدر کوزل اوله جق؟ خفیف طاتلی مائی کوزلری
 وار، هنوز صاچلری بیتمه مش، قاشلرینک یری
 بللی دکل، غنجه دوداقلی، فقط سیماسی طبق
 باباسی. اللری پاموق ایچنده. برکره اویانسه!
 باباسنک توصیه سنی یرینه کتیره جک. اوپه جک.
 سوه جک. سوینه جک.

اوده، ترکیمی سویله ملی ایمش؛ آنک ده قولای

وار؟ غالبه نئی سویله دت قدر آکایا قیشان بر موسیقی بی
نرهدده بوله جق؟

هر کیجه دؤیاده کندینی کور ییورمش! آه!
عجبا صحیح می؟ او، غوغا یرنده او یویه بیلیر می؟
اوده بیله بر چیتردی اولسه او یانیردی! او کورلای
ایچنده نصل او یویه جق! غالبا انسان هر شیئه
آلیشیورمش! اوله یا! کندید ده بویه قورقولی
آریلقلره آلیشما دیمی؟





محمد غالب چو جق دکل، دعالر، نماز لر، قرائت
 قرآن، صافیت خلق و وجدانک ایجاب ایتدیکی
 مناقب لطیفه روحنوازانه ایله عادتاً بر معبد شکرانی
 آلان خانه نك سرمؤذنی . صباح اذاننی اوقونه جنی
 زمان اویانیور، بر فریاد قوپارییور . آناسی ده
 نینه سی ده آیانه قالقیور . هم چو جنی چوزرب
 دکیشدیریور لر، هم ده صیره ایله فرضی ایفا
 ایدیور لر .

بر صباحینه اویاندق لری وقت مسلمه بسمله،
 صلوات کتیره رک کزینیوردی . صبریه صورتی:
 — خانم نینه! انشاء خیر لیدر .

اختیار دوداقلرینی قیلداته قیلداته قوللرینی
 صیغایور، ایله نمازدن صوکره سویلیه جکنی اشارت
 ایدیوردی . نماز لر بیتدی . قارشى قارشى به
 اوطوردیلر . غالب کندى خیال نوپیداسیله مشغول .
 مسلمه دیدی که:

— آقشام استیخارمه یانمش ایدم. سکا مخصوص

سویله مدم. اده خیرلر ویرسون! بوشقی کوردم.

بیشیل بر آتیه ییشمش. آنک صاحیلری، قوروغی

برلرده سورونیور. بوشفده یشیل بر قابوت

گیمش. بوینده کلام قدیم اصیلی. برخواجه ایله

قونوشیور. بیوک برمیدان. کنیش می کنیش! بی

کورنجه آتی سوردرک یاقلاشدی. کولدی. آدن

اکیله رک اللرمی شاپیرشاپیر اوپدی. دیدم که:

— اوغلم بزه نه کتیریورسک!

ایله کلام قدیمی کوستره رک:

— جناب، حقک کلامنی! دیدی. بکاطوغری

اوزاتدی. اوپدم. یوزمی کوزمی سوردم. مسک

کی قوقیوردی.

— اوغلم نه وقت کله جکسک؟ دیدم.

— بو هفته. دییه جواب ویردی.

— کل سنی برکرده اوپیم دیدم. اکیلیرکن

غالبک ظیریلتیسی ایله اوپاندم.

مسلمه رؤیایی نقل ایدرکن صبریهدده صوک

درجه بردقته دىكىوردى. يشىل آت. كلام الله.
كنيش ميدان. بوندن اعلا رۇيىمى اولور؟ معبره
هيچ حاجت يوق. يشىل دائما ايسلكه، مبارك
برشيئه دلالت ايدر. آت: خيزخيزلى برسياحت.
كلام الله اك بيوك سعادت. مژده. كنيش ميدان:
فرح. مطلقا يوسف برقاق كونه قدر كله جك!

بوايى صاف، خلو، سويملى قادين بورۇيى
صادقن حسن تفال ايدەرك كويا يوسفدن عودت
حقنده تلغرافنامه آملش كى سويندىلر. كندى
كندىلرينه تداركاتە باشلايدىلر. مسلمە قومشوقادىنى
چاغىرەرق چاشىيرە سويدى. قىزىنى اوڭ
اورومچكلرىنى، كوشە بوچاغى تىزلەمك اىچون خدمتە
بولنديردى. ايرتسى كون بىكجىنى چاغىرەرقى صو
طاشيتدى. كوشەدەكى آل ردهلى خانمك خدمتجىسىنى
كتيرتدى، غىجر! غىجر! برتختە سىلىش كە تعريف
ايدىلن. آرەدە ترشى لاپەسنى اونوتمىكز. اونرك
بو كى خدمتلرنده بولاپەنك اىچە اهميتى واردر.


پېشمز سە يورغونلق دفع ايدلمز. ايرتسى كون بتون
 محله قادينلرني حمامه دعوت ايتديلر. صبريه نك
 قرق حمامى! او تمیز، كندیلری تمیز. یوقاروده کی بیوک
 او طهیه ساقیز کی پرده لر، ساقیز کی اورتولر یاییلمش
 رافلرده کی کلیبولى دستیلری تمیزلنمش، آینه نك تولى
 دكیشدیرلمش. (آمان آمان بغدادلى) یی جالان جاملى
 ساعت قورولمش. طوانده آصیلان شاب دالنه
 یشیل تولبندمسی شی چکیرلمش. ایری سیغاره
 طابله سی موسقوف توزیله اوغولمش. صاغ طرفده کی
 دیوارده بولنان (هذا من فضل ربی) لوحه تحمیدیه سی
 ایله اسکی محمودیه نك رسمی، صول دیوارده کی
 غایت کوزل، غالباً یساری قوپیه سی (علیک عوناه)
 خط تعلیقی پارل پارل پارلایور. گوشه لر ایشلمه لی
 یاصدقلر، بیوک مندرک اورتە سنه تمیز، بم بیاض اورتولی
 بریاصدیق دهاقونولمش. صندالیه لر دیزلمش. صفه دن
 خانم نینه نك چیقیریغی قالدیریلوب طوان آرە سنه
 بر اقلمش. قلابدان ایشلمه لی خاولیلر اصیلی.

پنجره لرینه قیرمزی پرده لر کریانمش. جابجا ایچی
 یوک طولو ارکان مندرلری. آنلرک ده یوزی دکیشمش.
 یانده کی اوطه، قیص قیوراق. قونصولک اوزرنده کی
 لامبار، چیچکلر موم کی. اورالرہ کیمسه چیقمیہ جق!
 مسافر بیله کلسه آشاغی اوطه یه آنه جق. او
 اوطه نک نه سی وار؟ قیرمزی دامالی قماش اورتولی.
 پرده لری بر آز صولوق اما نظیف، پاک. حولی
 هنوز رطیب، ایصلاق. سیلکی بزلی قونولمش.
 بکچی قونک حلقه لرینی سیلمش، قالایچی کلیور.
 تحته قاشیقلر اداره مطبخه کوندولمش. یوسفه
 چتال ییچاق، کندیلرینه میک قاشیق آلمش. قونک
 اوکنده طباقچی یهودی یه اسکی ویریلرک کاسه لر،
 کوچک، ظریف طباقلرله مبادلہ ایدلمش. صحنای
 کورمیک. اوکار قدیم لنگرلر، کبابلقلر، ایری
 صحنلرله یانیور، آینه کی تپسیلر، تنجره لر،
 قوشخانه لر، سفر طاسلری، طاوالر، مشربه لر،
 سوزچلر، کفچه لر، اوانی، سیم کی کورینیور.

یوسف بکک اوینک اوکندن باشلار . یانغینی
 اوکجه دن آکا خبر ویریر . صو طاشیر ، پاره آلیر .
 بکچی بویله افندی یی نرهدده بولور . ماشاه ! محاربه یه ده
 کیتدی . بابایکیت ده ! آم ! برکسه . بکچی یه ده
 چوق ایش وار . هله محمد غالب بیوسون . هر کون
 قوجاغنده . شهزاده حولیسنده کزدیره جک .

ایام تدارک بویله جه کچدی . آرتق صبری ده
 مسلمه ده مستریح ایدی . صبری ده مسعودیته آلیشیور ،
 مسلمه نک قلبی راحت نیوردی .

هر کون قوینده صاقلادیغی یوسفک مکتوبلرینی
 چیقاروب کلیننه اوقوتدیغی حالدده آرتق بودورلو
 تسلیله احتیاج اولمادیغی حس ایدیوردی .
 اوجه هر ایش بیتوب تمام اولدقدن صکره آدادیغی
 آداقلری ده یرلی یرینه کتیردی .



ینه غزتهلر نهلر یازیور ؟ مجروح غازیلرمی
 کلیورمش ؟ آنلره (آلاصونیه قهرمانلری) می
 دینیلیورمش ؟ بوحمیتلی اولاد وطن، وطنک مرکز
 سعادت اولان پای تخته می عودت ایدیورلر ؟ اولهیا!
 سوکیلی پادشاه، آنلرک اصل بابالری اولان ذات کریم
 درجه رفعت و قدر حماسه لرینه اشارت اولمق اوزره
 ییلدیز جوارنده ، کویا هر برینی آغوش لطف
 وعنايتنده بولندیردقلرینی تصویراً خسته خانهلر ،
 عملیاتخانهلر احداثی فرمان بیورمش ، کموش صوبی
 دارالتداویسی باشدن آشاغییه حسن صورته
 ترتیب ایدلمش ، استابول خلقی هدیهلر حاضر لامش ،
 بوقافله شجیعیه بی آقیدشلایه حق .

تا آیاستفانوس کنارلرینه قدر استقباله کیدنلر ،
 دهها انفلاق سحرده سرکه جی طرفلرنده کزیننلر
 وار . کیمی کوره جککیر ؟ آنلری ، نشان صداقت

و حیتلری کو کسلرنده ، قوللرنده ، باشلرنده ،
 باجاقلرنده آچیلان یاره لرله پایدار اولان غازیلری .
 نه بیوک تماشا ؟ نه عالی منظره ؟ نه قدر مؤثر
 درس ؟ یاره یه باقق انسانه تأثر ویرمزمی ؟ فقط
 بویاره او یاره دکل . بویله دکل ایدی : دشمنک
 او وجودلر اوزرنده حاصل ایتدیکی زخم والمی بتون
 وجود عثمانی بر آنده حس ایتمورمی ایدی ؟ قلیلر ، کوکلر
 ایکله میورمی ، کوزلر من آنلر ایچون آغلامیورمی ،
 وجدانمز آنلر ایچون دعالر ایله میورمی ایدی ؟
 اونه موفقیت جلیله ایدی که بتون احتساسات
 ملیه بر آنده بر نقطه اوزرینه توجه ایتمش ، امتک
 انظار اشتیاقی اوکنده توتن بر مجروحک وجه
 دلارای بسالتنی کورمکه حاضر لائمش ایدی . ایلک
 آرابه قره فریه یه مواصلت ایدر ایتمز ایادیء تقدیر
 اوزانمش ، اکرام ، تعظیم ، حرمت کبی بروطنداشک
 دیکرینه ایفا ایده جکی مراسم صمیمیه باشلانلمش
 ایدی . سلانیک پرولوله . قواله ، سیروز جهتلری

فوجا فوج، دده آغاچ، لوله برغوس، خادم کوی
 طرفلری دولتک اک کزیده مدار استنادی اولان
 فداکارانی قارشیلایور. استانبول شوق و نشاط ایله مالی.
 ترنک آواز تیزی سرای بورنی طرفدن
 ایشیدیلیر ایشیدلمز شوق خروشان ناظرین آفرینلر،
 تحسینلر، تبریکلر، تهنیه لرله پیرایه دار اولدی. ایشته
 کیدنلر کلیور، شرف و شان عسکری جسملرنده
 یاره آچمش اما برلطف مخصوص آنلری تداوی ایدر.
 بابا اوغل قاووشیور، نه محتشم سور سرور!
 قرداش قرداشی ایله بولوشیور، نه رقتی در آغوش!
 الله! شو نفره باق. آرقداشی دوش غیرتنه
 آلمش طاشیور، هم کیدیور، همده تلاش واستعجا.
 لندن هانکی محاربه ده یاره لندیکنی غبطه لر ایدرک
 صوریور. بو نه محبت، بو نه جدیت عاشقانه!
 قولندن یاره له نن شو بهادرک خرام لوندانه سنه
 باقک. صرتند چانطه سی، باشند کچه کلاهی،
 باجاغند چاریقلری، قولنده صارغیسی اولدینی

حالدہ یوریور . کولیور ؛ بر شیلر سویله مک
ایستیور ، استانبوله مرده می کتیرمش ؟

شو صقاللی چاوشی کوریور میسکز ؛ حالا
وضعیت آمرانه سنی ترک ایتمه مش . باشی صارغیلر
ایچنده . صول بجاغنی آغر باصیور . نشانی ده وار .
آمان ! بوغازی مکررک یاره لی آلتندن اوپمه لی .

بوکنج کیم ؛ هنوز اون سکز یاشلرنده . اوده
یاره لی . قورشون صاغ دیزینی پارچه لامش ، قهر
اولسون او مر می ! یوریه میور . قولنه کیرمشلر ،
فسی آلتنک اوزرنده .

غزته مخبرلرندن وقت یوق که . آنلرده صارا-
رمش ، متأثر . سرور ایله الم براشمش ، برحس
دیگر پیدا اولمش . غازیلری استجواب ایله مشغوللر .
متصل صوریورلر ، هر واغونده بر منقبه خوان .
درلو درلو وقایع آکلادیلیور .

بو ترنلر یکدیگری نی تعقیب ایتدی . خسته



Rasim, Ahmet
'Asker oğlu

PL
248
R37A8
1899